

С. Я. Маршак нима Коми Республикаса
челядълөн национальной библиотека

МЕНАМ МОЙД

Челядълөн гижöd öктöd

УДК 821.51
ББК 84(2Рос=Коми)я92
М 50

*Небӧгсӧ лэдзӧма Финляндияса
М. А. Кастрен котыр отсӧгӧн*

М 50 **Менам мойд** : челядълӧн гижӧд ӧктӧд / лӧсьӧдіс А. Н. Нестерова ;
С. Я. Маршак нима Коми Республикаса челядълӧн национальной
библиотека. – Сыктывкар : ООО «Анбур», 2020. – 84 л.б.

ISBN 978-5-91669-306-5

УДК 821.51
ББК 84(2Рос=Коми)я92

Гижӧд ӧктӧдсӧ лӧсьӧдіс
А. Н. Нестерова – С. Я. Маршак нима Коми Республикаса
челядълӧн национальной библиотекаын краеведение
да коми литература юкӧдӧн веськӧдлысь

*Небӧгсӧ серпасалисны Сыктывкарса
4 №-а торгя (коррекционной) школа-интернатын велӧдчысьяс*

ISBN 978-5-91669-306-5

© Нац. дет. б-ка Респ. Коми им. С. Я. Маршака, 2020
© Нестерова А. Н., составление, 2020
© Беллон М. Ф., оформление обложки, 2020
© ООО «Анбур», 2020

Коми Республикалы — 100 во

Водзкыв

Мойджыв пырö кага вежөрö рузум кадсяньыс. Пöль-пöч да батьмам, ыджыдджык чой-вок мойдöны дзолькъяслы горш, сямтöм, дыш, скөр да ляб йöз йылысь, мед быдтыны лышкыд, тöлка, уджач, шань да винёв ныв-зонмös, ичötсянь сöвмöдöны налысь вежөр да сям. Мойдыс гартчö кагукыслөн олöмас тыдавтöм топыд шöртөн, мед мöдысь ныв либö зон кяс сыысь выль мойд. Мый йылысь? Тайös шуис тöдмавны С. Я. Маршак нима Коми Республикаса челядълөн национальной библиотека — корис том лыддысьысьясöс видлыны ассъыныс вынсö мойд лöсьöдöмын.

2019-öд воын библиотека нуöдiс 7–15 арöса челядь пöвстын республика пасьта «Менам мойд» литературнöй конкурс. Конкурс вылö локтiс уна удж: 94 мойд 11 кар-районысь. Кызвыныс рочөн, но век жö нимкодъ, мый воисны и коми кывъя уджъяс. Медбур коми гижöдъясөн жюри индiс Милена Машуковалысь «Варгöс Мишук», Карина Куликовалысь «Вильгортса иностранеч» да Глеб Манюхинлысь «Кыдзи Мефодей олыся отсалiс каньлы» мойдъяс.

Конкурсыс вöли сиöма Коми Республикалөн чужан лунсянь 100 во тырöмлы. Тшупöда кад кежлас библиотека шуис лэдзны челядь уджъяса небöг. Коми кывъя мойдъяс водзö чукöртöм понда библиотекаөн 2020-öд воын нуöдöма творчества семинар дасьтан удж. Коми гижысьяс, семинар нуöдысьяс, Елена Козлова, Алексей Попов, Елена Афанасьева да Алёна Шомысова отсöгөн вöли корсьöма бура уна коми мойд. Челядьös библиотекаö чукöртны эз артмы, но век жö гижöдъяссö лои тыр-бура видлалöма да пунктöма библиоте-калөн сайт вылö «Менам мойд» юкөнö.

Колö шуны, мый öнiя том йöз, кыдз и водзтi, мöвпалöны бур да лёк йылысь, корсьöны тайö бурсö ас гөгöрысь, ас ногыс эрдöдöны лёксö да та йылысь висьтасьöны гижöдъясын. Уна мойд сиöма вөр-ваын олысьяслы, пемöсьяслы да быдмөгъяслы.

Вөр-ваыс мойдъясын ловъя. А видзёны сійёс Вёрса да Васа и, дерт жё, төлка морт. Шуам, Александр Тарабукинлөн «Вёрын» гижёдысь герой чукөртё «вежөртём йёзлысь шыбласьяс», а Анастасия Кармановалён «Нывка да бобув» мойдын Даша велөдö бобулöс лэбавны. Челядь вежёрын морт вермö пörны вөр-васа олысьö: чериö (Мария Хабарова, «Серпасасьясь Катя йылысь мойд») либö урö (Анастасия Макарова, «Соня да зарни сус пу коль»). И медшöрыс, гижөдъясын петö челядьлөн дойыс. Сьölөмтö шымыртö Александра Козловалён «Повзьöдлана вöт» мойд. Каньпи ёна ышмис, да сьлөн водігөн мамыс эз лок шуны «бур вой». Сэк каньпи вöтасис, быттö мамыс муніс гортсьыс да колис сійёс öтнасөн. Асывнас повзьöм каньпи котöртіс мам дорас да корис прöща: «Быд рыт окав менö, си меным бур вой, медым ме вöталі сöмын бур вöтъяс». Тайö мойдыс медвойдор гырысьяслы мөвпаланторйөн лоö.


Век жö ныв-зон уджъясянь öвтö радлунөн, унджыксö лыддигөн чужö нюм да долыдлун: челядь кужöны мөвпавны, а сідзкö, быдмöны төлка да енбиа войтырөн. И нимкодъ медводз сыысь, мый коми кывсö сөвмөдöны, öд налөн, выль йöзлөн выль гижөдъясын, кутас овны гижöда кывйыс, коми кывйыс.

Библиотека пöся аттьöалö Финляндияысь М. А. Кастрен котырöс сьöма отсöгысь. Котыр отсöгөн воддза воясö вöлі лэдзöма «Чолөм, Куратов!», «Нюмсер куд» да «Ас вөр-ва» небөгъяс, а öні нин петö «Менам мойд» гижөд öктöд. Та кындзи библиотека аттьöалö 4 №-а торъя (коррекционнöй) школа-интернатын велөдчысьясöс да налысь веськөдлысьсö, Валерия Остаповаöс, небөгсö серпасалöмысь.

Баева Мирослава

Инта районса Косьювом сикт

Аддзылісны Көдзыд Пөльӧс



Серпасыс Ванялӧн, 8 «В» класс

Ывлаын усис лым.
Вӧлі көдзыд. Кӧчпи да
Урпи мичмӧдісны коз,
ӧд Виль во матыстчӧ.
Найӧ вайисны ӧрекъяс,
кампетъяс, кодзувъяс
да быдпӧлӧс шаръяс.
Вӧрса пемӧсьяс ӧшліс-
ны ставсӧ коз вылӧ.
Сэсся мӧдӧдчисны гӧсь-
ти Кӧчпи дорӧ. Юисны
чӧскыд пым тшай, ва-
ренньӧӧн чӧсмасисны

да бӧр петісны ывлаӧ. Локтісны асланыс коз дорӧ да аддзисны,
мый сійӧс кодкӧ мичмӧдӧма мишураӧн да югъялысь биясӧн. А пу
йылас дзирдалӧ мича гӧрд кодзув. Кӧчпи да Урпи чуймисны.

— Гашкӧ, Кӧдзыд Пӧль воліс? — шуис Кӧчпи.

— А ми эг и аддзылӧй, — жугыльтчис Урпи.

— Пукыштам тані, гашкӧ, бара на волас! — вӧзйис Кӧчпи.

И нем виччысьтӧг козъяс сайысь лӧбзисны кӧръяс, а бӧра-
ныс мича югъялысь даддын пукаліс Кӧдзыд Пӧль. Найӧ вӧчис-
ны сынӧдын ыджыд кытш да лӧбисны водзӧ.

Кӧчпи да Урпи сулалісны мичмӧдӧм коз бокин да видзӧдісны
енӧжӧ. Налы вӧлі зӧв нимкодъ, мый аддзылісны Кӧдзыд Пӧльӧс
да сылысь кӧръяссӧ.

Батманова Дарина

Инта районса Косьювом сикт

Выльвося лоёмторъяс

Выль во паныдалом бөрын челядь мунісны вөрө, өд каникул заводитчис. Вөрсьыс аддзисны мича ин да көсйисны вөчны бипур. Нем виччысьтөг Миша казяліс пуяс костын сулалысь неыджыд керка. Ывласянныс сійөс вөлі мичмөдөма быдпөлөс серъясөн, быттё мойдын. Челядь пырисны керкаө.

Вежөсьяс вөліны чуймөдана мичаось. Ставыс керка пытшкас вөчөма хрустальысь. Гөгөр югъялісны уна рөма бияс, но стенъясянь өвтис ыркыдөн. Вежөс шөрын сулаліс ыджыд коз. Сійөс баситөма дзирдалысь вөвлытөм изъясөн. Коз улын куйліс уна-уна козин.

Челядь мөвпыштісны, мый тайө керкаыс вермас лоны Көдзыд Пөльлөн. Ывлаын кутіс кывны тінган шы да подковлөн гальскөм. Тайө Көдзыд Пөль локтө көръяс вылын. Ёртъяслы нимкодъ лои, но сәсся повзисны: найө өд тшөктытөг пырисны йөз керкаө. Челядь дзебсисны, коді кытчө вермис. Көдзыд Пөль пырис керкаө да пыр жө гөгөрвоис, мый сійө гортас абу өтнас. Гөгөр кылісны кышөдчөмъяс, да и куржаыс вөлі киссьөма. Көдзыд Пөль шкапысь аддзис зонкаөс, а крөвать улысь нывкаөс. Мукөдыс асьныс петісны повзьөмысла. Көдзыд Пөльлөн таысь весиг серамыс петіс.

— Мыйла нө дзебсинныд, челядь?! — юаліс Көдзыд Пөль.

— Повзим, друг кынтан миянөс керкаад юасьтөг пырөмысь, — вочавидзисны челядь.

— Ме өд челядьөс некор ог дзерөд, — меліа шуис Көдзыд Пөль и муніганыс козьналіс ставныслы мича козинъяс.

Вахнин Дмитрий

Сыктывкар

Куим юра лэбач — кутш

Төв. Пукала гортын, өшинь дорын, видзöда — ёртъяс сулалöны, менö виччысьöны.

Пасьтаси, петі ывлаö. Катьö чужъявны мöдiс менö лымйöсь кöма кокнас. А бöрыннас Ваньö да Петьö муртса эз уськöдны менö дадь вывсянь юас. Сэсся Ёгор пановтiс ставнымöс лызьöн, а Олюк чеччалiгтырйи котöртiс миян бöрся. Тадз ми лунтыр гажöдчим.

Но друг енэжыс съодасис, лоис пемыд. Видзöдам — лэбö куим юра ыджыд лэбач — кутш.

Öти юрыс гымалö-чардалö. Мöд юрыс емön тырöма, и тайö емъяссö кутшыс лыйлö муö. А коймöдыс ставнымöс чуймöдiс — морт моз сёрнитны кутiс:

— Тэ, Саньö, ёртъясыдкöд прöшшайтчы, ме босьта найöс съорысь. Аддзысьлытöдз! — И тайö жö здукö пöртiс менсьым ёртъясöс шыръясö, кватитiс найöс бöжъясöдыс да кыскис вывлань. — Мöдасны кипöлавны меным нэм чöж! — висьталiс и вошис кымөр саяс.

Ме дыр котöртi сы бöрся мый вынысь. Первой туй кузя видз вывтi, сэсся вөрöд. А кор мудзи, пукси мыр вылö да ойбыртi. Садьми асывнас нин. Чеччи да кöсья вöлi водзö мунны, но видзöда — мелань Енот матыстчö.

— Кытчö мöдiн, зонка, висьтав, — шыасис Енот.

— Муна ме куим юра лэбачöс корсьны. Сiйö ёртъясöс нуис, шыръясö пöртiс да.

— Эн на мун, ме тэныд мыйкö сета. — Енот ветлiс аслас чомйö (неылын и вöлöма) да вайис кöрт ведра. — Босьт тайö ведрасö да шыбит сiйöс лэбачлы юр вылас.

— Коднан вылас?

— Гымён-чардён тай коді лыйлө.

— Аттьö!

Ме мөді. Муна, муна, друг кыла, мый бадь сайын кодкө авзö. Вөрпорсь вөлөма. Матыстчис ме дорö да юалис:

— Кытчö муна, зонка?

Висьталі сылы куим юра лэбач йылысь. Вөрпорсь сюся кыв-
зіс да шуис:

— Босьт менсьым водзир, кучкы сыён емось юрас!

— Аттьö!

Водзö восьлала. Видзöда — меным паныд локтö Сурок.

— Кытчö муна, зонка?

— Муна ыджыд лэбач бөрся, коді ёртъясöс шыръясö пöртис да
аскöдыс нуис.

— Босьт сьöрсьыд тайö увсö, кучкы сыён коймөд юрсö. Сэк
вунöдчас лэбачыс да дзик мөдлаö лэбас.

Дыр ме муні, дзикöдз эбöстöмми. Ылысянь на аддзи öти ку-
шин да шуи сәні шойчыштны. Но кор матөджык вои, казялі сә-
тысь куим юра лэбачös. Сы дінын котралісны шыръяс. Буракö,
корсялісны лэбачлы сёян.

Ме матыстчи бөрсянныс да гымалысь-чардалысь юр вылас
ведра шыбиті. Скöрмис лэбачыд — мөд юрыс емөн мөдіс сәтчö-
татчö лыйлыны. Сәсся ме сеті öти шырлы водзир — сійö кайис
лэбач-кутш вылö да кучкис емось юрас.

Коймөд юрыс горөдіс:


— Ме тәнсьыд ёртъястö нылышта, мустөм зонка!

Сәки ме вачки увйөн кутшлөн коймөд юрас — лэбачыд ставсö
вунөдіс да и лэбис миян дорысь. Ёртъясöй бөр пöрисны зонкаясö
да нывкаясö, и ми сәсся öтвылысь мунім гортланьö.

Егорова София

Сыктывкар

Кань да пон



Серпасыс Лизалён, 3 «А» класс

Олісны-вылісны кань да пон. Кань вöлі шаньён, а пон лёкөн. Пон век пурис каньёс да шуалис: «Тэ сэтшöм ичöтик да полысь, а ме ён да востер». Кань нинöм та вылö эз шу.

Öтчыд сиктö, көні олісны кань да пон, локтіс ош. Сійö аддзис понйöс да уськөдчис сы вылö. Пон ёна и повзис да пышйис. Сэсся муніс кань дінö да шуис: «Прöстит менö, муса кань! Ме гөгөрвои,

мый ичötъястö некор оз ков повзöдлыны, а то аслыд забеднö лоö». Тайö лунсянь пон да кань лоисны медбур ёртъясөн.

Жикин Дмитрий

Кулöмдін районса Кулöмдін сикт

Корсь уджтö ас сертиыд

Оліс-выліс ичöтик Му шыр. Сійö кодйис град шöрын розьяс, сёйис көдзас. Коркö-некоркö сылы паныдасис шыр.

— Му шыр, тэ мыйла кодъян розьяссö? — юалис Рудъя нима шыр.

Му шыр чöv оліс да водзö ассьыс уджсö вöчис. Шыр кутіс видзöдны сы бöрся, сэсся пуксис розь дорö.

- Му шыр! Му шыр!
- Мый колö, Рудъя?
- Юася тай, мыйла кодъян розьяссö?
- Тайö менам удж, сійö менö вердö.
- А позьö тэкöд видлыны?
- Но вай видлы.

Рудъялөн артмис кодйысьны зэв бура, но öдйö дышöдiс. Тайö пö няйт удж, шуис шыр да дугöдчис.

На дорö кыссис-матыстчис нидзув. Ыджыд, тшöг, кузь.

— Чолöм, суседъяс! — шыасис Нидзув. — Кыдзи пöткöдчанныд?

— То тай шырöс велöда кöдзасъяс гусявлыны градйысь, — вочавидзис Му шыр.

— Артмö?

— Да, но шуö, зэв няйт удж пö тайö.

— Гашкö, ме тшöтш видла?

Нидзув кутiс писькöдны нырнас дзoляник розь, медым пырны градыввса небыд муö. Регыдөн и воис свеклö дорöдз, гөгöрыс гартыштчис да мöдiс исавны сійöс.

Сэсся кыськö Чирк чеччыштiс.

— Позьö меным тшöтш видлыны? — юалис Му шырлысь.

— Дерг. Лок таланьö.

Но кöть кыдзи эз зиль турунвиж дзирня, сылөн нинöм эз арты: лапаясыс дзoляникöсь, гырddзаясыс кузьöсь, тушаыс гөн кодь кокни.

— А мыйла ме ог вермы кодйысьнысö?

Му шыр и шуö:

— Ме кöть нинöм ог аддзы, но пемыдас бур. Сидзкö, муыс меным — керка. Шырлөн ёсь гыжъяс, зиль лапаяс, но уджыс абу сьöлöм сертиыс. Нидзув визув, да зэв небыд сьöлöма. Быдөнлы колö аддзыны ассыйс удж. Кöть сэсся кутшöм вежöра, ён да винёв. Корсь уджтö ас сертиыд.

Забоева Анна

Сыктывкар

Кыдзи петук тайкө шыдö эз веськав

Олісны-вылісны кань да руч. Руч бергаліс керка дорын, овмөс дөзьөритіс, а кань пес керавны вөрö муніс. Вузаліс кань ассъыс пессö кöчлы. А сьöмсö босътöм бöрын мөдөдчис ручкөд базар вылö, медем ньöбны петукöс да пуны госа чöскыд шыд. Сöмын сьöмыс ыджыд петук вылö эз тырмы — ковмис босътны дзoля-ник да кос петукöс. Пуктісны ньöбöмторсö мешöкö да мөдөд-



Серпасыс Давидлөн, 7 «В» класс

чисны бөр гортланьыс. Мунö-ны вöрсa туйөд. Руч мыш саяс мешöк нуö, зэв ёна тэрмасьö, кань öдвa vermö вöтчыны сы бöрся. Ручлы сэтшöм нин окота петукöс сёйны!

Воисны найö гортаныс, разисны мешöксö, а сэтысь петукыд петіс да кутіс дорласьны то руч вылö, то кань вылö.

— Ки-ку-ру-ллю-у-у-у! — горөдіс петук да зэв öдйö öктіс пызан вивсьыс став нянь крöшкисö. Пуксис пызан вылö да дорласьö кань да руч вылö.

Жаль лoи каньлы петукöс сёйны. И мөвпыштіс, мый колö петукöс ловйөн кольны. А руч сійöс тэрмөдлö:

— Босът черсö да керышт петуклысь юрсö. А ме чугун доз лöсьöда да пач ломта.

Таысь кань ёнджыка на шогö усис да и шуö:

— Кывзы, руч! Кор петукыс быдмас, сэки и шыдыс чöскыджык лоас.

— Бура шуин, кань! Тэ сэтшöм сюсь менам! — ошкыштіс руч.

Кутісны найö овны куимön. Руч горт гөгөр уджалö да петуккöд ноксьö: то гуляйтö, то шыдöс койыштö да вердö-ёнмöдö, то гортас пыртас, то сыланкыв сылас, то небöг лыддяс. А кань вöрысь локтас да велöдö петукöс сигудökön ворсны.

Лунысь-лун петук ёнмö и ёнмö. Кымын ыджыдджыкön да ёнджыкön петукыс лоны кутас, сымын ёнджыка кань ыджыд дум мöвпалö: кызди бара-й керыштас юрсö петуклысь?

А петуклы гажа! Быд лун сигудökön ворсö да сылö. Радейтö сійö каньöс да ручöс. Кок улын гартласьö да ниртчö. А асывнас первойön чеччас. Ручлы пеляс сылыштас — кань сералö. Сэс-ся кань дорö матыстчас да сылы сыланкыв сылас — руч сералö-ваксьö. Зэв муса, визув да вильыш петук быдмö.

Öтчид рытнас руч шуö каньлы:

— Кор нö петукысь шыдсö пуам?

Кань бергöдчас ручлы мышкön да кутас тасьті-паньön гия-голякывны, быттö оз кыв, весиг оз бергöдчывлы.

Руч матыстчас кань дорö, а мöдыслön синваыс доршасьöма, да и гөгөрвоас, мый каньлы вывті жаль петукыс. Сэсся шуас:

— Меным öд жаль жö петуктö сёйны.

— Либö огö кутöй петукысь шыдсö пуны! Сійö öд миян зэв мичаа сылö, — висьталас кань.

— Да, лöсьыд шыд ми тэкöд «пуим», — шуас руч, да öтлаын канькöд кутасны серавны-ваксьыны.

А петук пукалö лабичын да сигудökön ворсö, весиг мöвпыштны оз куж, мый вермис шыдö веськавны.

Зюзева Алина

Көрткерөс районса Пөддельнөй сикт

Пемыд вөр

Митя муніс өтһасөн вотчыны. Вөрсө сійө төдіс бура, та понда батыс лэдзис. Восьлалө Митя вөрті, видзөдө, кымын таво чөдйис быдмөма. Заводитіс өктыны. Чукөртіс-чукөртіс чөдсө, и друг кылө кутшөмкө шы. Лэптис юрсө — некод абу.

— Каститчис, — мөвпыштис Митя.

Но некымын здук мысти сійө бара кыліс дзик жө сэтшөм шы. Митя повзис да көсйис нин пышйыны, но казяліс, мый тайө абу сійө вөрыс, а дзик мөд. Тані вөлі зэв пемыд, быдмисны джуджыд



Серпасыс Колялөн, 7 «В» класс

пожөмъяс, мусө вольсыштөма дзик сьөд нитш. Митя шөйөвошис. Мый вөчны? Кытчө мунны? Сійө бара кыліс шы, бергөдчис и аддзис кутшөмкө лөз бияс. Найө быттө сьылісны да көсйисны кытчөкө нуөдны. Митя муніс бияс бөрся да воис важ вөр керка дөрө. Пырис, пуксис лабич вылө. Стенъясас өшалісны звер юръяс. Татшөмъяссө Митя эз на аддзывлы, быттө кутшөмкө мөд мирьс тайө пемөсьясыс. Сійө пукаліс дыр, час кык, эз төд, мый вөчны.

Заводитіс пемдыны. Митя унмовсис лабич вылын. А кор садъ-мис, казяліс өдзөс дорысь лөз биён югъялысь мича нывкаөс.

— Тэ веськалін Пемыд вөрө, — шыасис Митя дорө нывка. — Тайө вöрас тэ кындзи некод на эз веськавлы. Менам бияс казялісны, мый кодкө ветлөдлө Пемыд вөрті, да нуөдісны тэнө татчө, сы вöсна мый вуджан юыс зэв паськыд да джуджыд.

Митя кывзіс сійөс да шуис:

— Нуөд менө Съөд ю дорө.

Найө мөдөдчисны. Митя пырис ваө да кутіс вартчыны. Кыкысь муртса эз вöй, но эз сетчы. Сійө ёна кынмис да мудзис. Мый нө сәні сәтшөмыс? Юыс помасис! Митя петіс берег ылө да усис. Асывнас сійөс аддзис батыс, коді войбыд корсьөма писө. Батыс кутіс юасыны, мый лои, но Митя нинөм эз висътав Пемыд вөр йылысь, шуис, нинөм пö ог помнит.

Ивашева Светлана

Кöрткерөс районса Ыджыдвидз сикт

Сашкалөн өрт

Оліс-выліс нывка. Шуисны сійөс Сашаөн либө, кыдзи ставныс нимтылісны, Сашкаөн. Дас арөса, неыджыд тушаа мичаник нывка. Видзөдлан да, быттö мукөд нывка кодыс жö. Но вöлі сыын öтитор, мый торйөдіс Сашкаөс...

Рытнас, кор ставныс унмовсисны, Сашка чеччис, босьтіс тасьтіö некымын яблөг да петіс ывлаө. Вöлі гожөм, шоныд. Ёна пасьтасьны оз ков. Кыдзи век, матыстчис керка дораныс быдысь ыджыд пу дорө. Куимысь тотшкөдчис. Друг пуыс сявк-

нитіс биён, да горсйысь петіс... инопланетянин. Да! Сашкалөн
вөлі ёрт — и тайё инопланетянин.

— Чолём, Ино! — шыасис Сашка. Ті нин гөгөрвоинныд, мый
Иноён Сашка шуис ассьыс ёртсё.

— Чолём, Сашка! — тшөтш чолёмасис Ино.

— Ме тэныд яблөг вайи, — нюммуніс нывка да мыччис Ино-
лы яблөг тыра тасьті.

Ино ёна радейтіс яблөгтё. Сашка унатор нин сылы вайліс, но
медъёна ёртыслы воисны сьёлём вылас яблөгъяс.

— О! Зэв ыджыд аттьё! — босьтіс Ино тасьтісё, нывкалы сетіс
ёти яблөг.

Сашка быд вой воывлө ёрт дорас. Найё сёйёны, ворсёны да
унатор йылысь сёрнитёны. Дерт, оз зэв дыр, Сашкалы колө узы-
ны.

Төдмасисны найё некымын во сайын. Сашка котөртіс видз
вывті гортас пакет тыр яблөгөн. Друг син водзас мыйкө югнитіс, да
нывка повзьёмысла уси. Некодёс эз
аддзы, чукөртіс киссьём яблөгсё бөр
пакетас да котөртіс водзё. Гортас нин
казяліс, мый некымын яблөг оз судз-
сьы. Мөд луннас бара муніс видз вылө.

— Чолём! Талун турунвижтортё
да чөскыдтортё эн вай? — друг
кодкө юаліс бөрсянныс.

Сашка бергөдчис да аддзис ку-
тшөмкө турунвиж мортёс.

— Чолём! Менё шуёны Сашкаён...

Тадзи заводитчис налөн ёртасьём.
Ино корис, медым Сашка некодлы
оз висьтав сы йылысь. И нывка не-



Серпасыс Снежаналён,
2 «А» класс

кодлы на нинөм эз висьтав. Оз и көсйы. Некод оз төд, кытчө войнас котөртлө Сашка. Некод оз төд, мый сылөн эм зэв бур да зэв дона ёрт — инопланетянин Ино.

Игушева Мария

Сыктывкар

Вөрсакөд аддзысьлөм

Коркө ыджыд мам ыстис менө вөрө оз кор вотны. Ме и мөді. Муна, муна. Вои местаөдз. Видзөда — оз корйыс тырыс. Заводити вотны. Вота, вота, водзө муна и муна... Дозмукөй тырис. Юрөс лэпти и повзи — көн нө ме?! Бөрыньтчи — кок туйөй оз тыдав. Мый нө вөчны? Муна оз кор нетшкөминъяс серти. Сэсся мый-лакө бара воа сійө местаас, кытчө воши.

Дасөд кытш бөрын гөгөрвои, мый менө Вөрсаыс кытшлөдлө.

— Вөрса-а-а! — горөді. — Ме төда, мый тэ менө чуймөдлан да повзёдлан! Вот өні паськөмөс гугөн пасьтала и гортө воа, а тэныд гажтөм лоө. Пет, либө ме муна.

Друг пөрысь мыр кутис нюжавны да недыр мысти пөрис ичөт, мисьтөм да тешкодь тошка Вөрсаө.


— Мый нө, меным сэсся гажтөмтчыны али мый? Оз позь весиг йөзсө чуймөдлыштны? Меным өд тані гажтөм. Ола өтнам, кула өтнам...

— Вөрса...

— Мый? — дузгөдчөмөн юалис пөрысь мыр.

— Лок миянө гөститны! Ыджыд мам талун черинянь да шаньга пөжаліс.

— Ме? Тэнад ыджыд мам дорө? Ог мун!



Серпасыс Ленаралён,
3 «Б» класс

— Ог помнит... — Ставсö эськö помнитö Вöрса, сöмын полö: висьталас кö, чинсö воштас. — Эн дöзмöд. Мун гортад.
— А тэ дугдан менö кытшлöдлыны?
— Важөн нин дугдi. Мун, пуясыс петкöдласны туйсö.
Друг мыш сайсьым пуясыс вешъялисны, да артмис ордым.
Тайö дивö вылас видзöдiгкостi Вöрсаыс вошис.
Сидз и мунi гортö.
Гортö вои да пыр и матыстчи ыджыд мам дорö.
— Ыджыд мам!

— Мыйла?
— Ог висьтав.
— А тэ куш менам ыджыд мам дорö он мун, либö нö дзик некод дорö он ветлыв?
— Сöмын сы дорö ог мун.
— Да мыйла?!
— Шуи жö: ог висьтав...
Недыр мысти Вöрса юалис:
— А шаньгаыс картофеля?
— Эм картофеля, эм нöкъя, эм рыська.
— Сёровно ог мун...
— А мыйла тэ ыджыд мамысь полан?
— Ме? Вöрса оз пов ыджыд мамъясысь!
— А мыйла он мун?
— А ме сийöс вывтi бура тöда, медым сы дорö мунны.
— Кысь тэ ыджыд мамöс тöдан?

— Öу!
— А тэ кысь Вöрсасö тöдан?
— Кысь тöда? Йöзыс висьтавлöны, а ачым сыкöд некор эг паныдасьлы, — мыйыськö полöмөн быттьö шуис ыджыд мам.
Но, мед сідз шуö.
Ми öд тöдам, мый сійö тöдö.

Канев Арсений

Усинск кар кытшса Щеллябöж сикт

Додь да Дадь

Öти овмöсын олісны-вылісны пуысь вöчöм Додь да Дадь.
Öтсöгласөн олісны.
А сэсся коркö пö-
рысьмисны. Öтчыд
на костын пансис
вензьöм: коді ун-
джык пöльза вайис
кöзяиныслы аслас
нэмөн.

Додь шуö: «Ме и
турун ваялі, кöзя-
инöс вöрö новлöдлі,
ва катлі юкмöсысь.
Вöв ме дорö дод-
дявлісны. А со тэ
дорö вöвсö оз дод-
дявны».



Серпасыс Ванялöн, 8 «В» класс

Дадь сылы вочавидзё: «А ме вылын кагаясёс новлөдлісны яслиё да садйё, исласисны чой горув. Ватё на ваявлісны флягаён. Тэ ыджыд да сёкыд, и тэнё челядыс оз вермыны кыскавны ки выланыс, а менё вермёны».

Налысь пинясьёмсё кыліс көзяиныс да кывкөрталіс: «Энө вензёй, ті кыкнанныд уна буртор меным вөчинныд асланыд нэмөн. Ёні менам эм быдсяма көрт техникаыс, но ме тіянёс ог шыбит, шыльода-мольода да видзны кута, быттьё музейын».

Канева Ольга

Усинск районса Сем Ёндрей сикт

Мырпом

Ылын-ылын, өти ыджыд козъя яг бокын, оліс-выліс мырпом. Орччён нинём эз вөв, сөмын яг да нюр. Мырпомлы вөлі сэтшөм гажтөм, мый быд рыт бөрдіс.

Өтчыд чоя-вока, Катя да Вова, мөдөдчисны ягө вотөсла. Кор мырпомыс аддзис найёс, заводитіс радлыны, мый сійё сэсса абу нин өтнасөн. Сы выйөдз радліс, мый эз и казавлы, кызди сюрис көрзинаө. И сэки заводитчисны сылөн тешкодь лоөмторъясыс...

Локтісны чоя-вока гортаныс, петкөдлісны көрзинасө мамыс-лы.

— Молодечьяс, кутшөм менам уджач челядь! Локтөй, пуам варенньö, — шуис мам.

— Ладнө. Ми радпырысь тэныд отсалам, — вочавидзисны челядь.

Мырпомыд кыліс, мый сыысь көсйöны пуны варенньö, да өдйö и петіс көрзинаысь, дзебсис пач улö.

Пач улас пукаліс шыр. Аддзис сійо мырпомсё, кватитіс да кёсйис сёйны. Коньор мырпом одва и мездысис да котөрөн дзебсис гёлик сайё.

Но тані сійёс виччысис руд кань. Мырпом аддзис каньсё да повзьёмысла уськөдіс гёликсё. Гёликыс усис кань вылё, а мырпом сэккості котөртіс өшинь улё, өшинь увсянь — керка-дорса юкмёс сайё. Сэки сы дорті лы-йыштіс руд каньыд, но эз казав.

Мырпом котөртіс водзё. Керка са-йысь казалис важ коз.

— Дона пуёй, дзеб менё, — корис мырпом.

— Ладнё, — шуис козйыд да дзебис сійёс лыс улас.

Кань бара котөртіс сы дорті. Мырпом аттьёалис козсё, өдйө-джык петіс потшёс сайё, а сёсся котөртіс видз кузя ягё. Видзөд-ліс бёрас, кодкё вөтчө оз. Та вёсна эз и казав туй вывсьыс неыджыд мыр да кыз тай люкасяс.

— Колё видзөдны, кытчө мунан! — скёрысь горөдіс мыр.

— Ой, кора прёща.

— Коді тэ да кытчө сэтшөма тэрмасын?

— Ме мырпом. Олі өтнам ягын, нюр вылын, и вөлі меным гажтём. Со ме и думышті аддзыны аслым ёртёс. Но менам нинём эз артмы. Ставныс менё сөмын кедзовтёны. А тэ коді?

— Ме мыр. Ме тані өтнам жё ола, меным пыр гажтём.

— А кёсьян, ме тэ дорё кольча?

— Кёсья! — нимкодъпырысь горөдіс мыр.

И сэксянь кутісны найё овны да вывны кыкөн.



Серпасыс Ванялөн, 8 «В» класс

Карманова Анастасия

Сыктывкар

Нывка да бобув

Воис гожом. Гөгөр лоис веж да мича. Луд вылын жбыръ-ялісны быдсяма бобувъяс. Сөмын өти бобув эз вермы лэбавны, сійө поліс усьны да доймыны. Мукөд бобулыс сераліс сы вылын, а сійө та вөсна бөрдіс.

Өтчүд Даша нывка петіс ывлаө да аддзис мича бобулөс. Сійө юаліс бобувлысь:

— Мыйла тэ он лэбав?

— Ме пола лэбавны, — вочавидзис бобув.

— Мыйла полан?

— Ме пола усьны да доймыны.

— А көсьян, ме тэнө велөда лэбавны?

— Көсья!

— Медводз өвтышт бордъяснад да сэсся лэбзы, — шуис Даша.

Бобув сідзи и вөчис и кужис лэбзыны. Кор сійө паськөдліс бордъяссө, вөлі зэв мича. Тадзи нывка велөдіс лэбавны бобулөс.

Ковальчук Роман

Емдин районса Айкатыла сикт

Индюк да петукпи

Пемөсьяслөн йөрын олісны кык ёрт — Петя петукпи да Гоша индюк. Гоша век сераліс Петя вылын сибыдлунысь, авъялунысь да вежавидзөмысь.

Сійö велöдіс:

— Эк тэ, Петя, Петя! Тэ йöй петук. Мый тэ ставныскöд сэтшöм сибыд да вежавидзысь? Колö мöд нога овны, колö петкöдлыны, коді тані медыджыдыс, медым тэысь ставөн полісны. Петан курöг видзанінысь да горöд мый вынсьыд: «Шыть! Ме тані ыджыдыс! Ставөн места выланыд мунöй, а то шедалас тіяны!» А тэ? «Лоöй бурöсь, аттьö, бур вылö!» Тыпу! Видзöдны ог вермы! Менö ставөн ыліті гөгöртöны, öд верма кокыштны быдөнös, коді мен оз кажитчы. Таысь менö и ыдждöдлöны.

Тадзи олісны орччөн шань петукпи да индюк.

Öтчыд Петя зэв зіля корсис юкмöсдорса лыаысь нидзувъясöс и усис юкмöсас. Бур, ваыс вöлі этша. Петя кутіс корны отсöг вылö:

— Бур вылö, отсыштöй! Ме юкмöсö уси. Мездöй менö, ёртъяс!

Став лэбачыс кутісны гораа горзыны да котравны юкмöс гөгöрыс. Горзöм вылас воис налөн көзяйкаыс. Сійö кыскис петукпиös юкмöсысь. Петяös мездісны, и сійö помтöг аттьöалис мездысьяссö.

Мöд луннас ёртъяс мунісны юкмöс дорті, и Гошалы юрас воис тöрытья лоöмторйыс. Сійö мöдіс серавны.

— Тэнад мыйкö век лоöма, йöюклөн! А вот ме некор некытчö ог веськав.

Кызд Гоша сöмын тайös шуис, вильскöбтіс да и усис юкмöсас. Кутіс гораа горзыны сэсянь, корны отсöг вылö:

— Эй, ті, зырымбедъяс да мукöдъяс, ноко, öдйö кыскöй менö татысь!

Но йöрын став олысьыс чукöртчисны юкмöс гөгöрыс да пондісны серавны Гоша вылын. Сідз тэныд и колö! Пукав öні юкмöсас!

Гоша шогö усис да бöрддзис сэтшöм нора, мый лэбачьяслы лоис жаль индюкыс. Найö корисны көзяйкасö отсöг вылö. Гошаös мездісны. Тайö лоöмтор бöрас сійö вöлі век мелі и некор нин сэсся эз серав Петя вылын.

Козлова Александра

Емдин районса Айкатыла сикт

Повзьёдлана вөт

Оліс каньпи. Сійö вөлі ышмысь, но кывзысьысь да авъя. Коркө каньпиыд ылаліс да зэв гораа кутіс ворсны, и мамыс сы вылө дөзмис. Кор воис водан кад, мамыс эз лок окыштны каньпиös вой кежлас и эз висътав сылы «Бур вой». Каньпиыд унмовсис мамтөгыс, и сылы вөтасис повзьёдлана серпас: мамыс колис сійös өтнассö да кытчөкө муніс, а мунтөдзыс шуис: «Тэ менö эн кывзысь, а сідзкө, и ов өтнадөн да ышмав, мыйта көсьян».

Асывнас повзьом каньпи котөртіс мам дорас да корис прөща: «Быд рыт окав менö, си меным бур вой, медем ме вөталі сөмын бур вөтъяс».



Серпасыс Колялөн,
7 «В» класс

Коростелёв Максим

Сыктывкар

Мыйла көчлы кузь пель?

Олісны коми пармаын руч, көч да көин. Руч да көин вөліны зэв скөрөсь да пырысь-пыр көсйисны сёйны көчös.

А көч вөлі зэв шань, но полысь, дзебясис пуяс да лым толаяс сайын. Но көин да руч пыр и аддзывлісны сійös.

Көчлөн пельыс вөлі дженьыд, та вөсна эз кыв налысь воөмсö. Сійөн и век сайласис.

Өтчүд көч шыёдчис мудер сюзь дорё, корис отсавны. Сюзь шуис, мый сылөн, коді вөчө мукөдлы уна бур, пельыс нюжалё. И чөв усис.

Көч радпырысь кутіс отсасыны вөрса олысьяслы и вунөдіс аслас дженъид пель йылысь. А кор аддзывліс көинөс да ручөс, век дзебсьявліс. Но өні сійө ылысянь кывліс, мый йылысь найө сёрнитөны. И котраліс парматі сідзи — некод эз вермы кутны сійөс.

Көч гөгөрвоис: мудер сюзь козьналіс сылы кузь пель, медым бура кывны.

Кочанова Валентина

Кулөмдін районса Улыс Воч сикт

Бур сьөлөмөн ставыс ловзьө

Воис кад, кор парма-ягысь бырис пөтка-пемөсыс. Найө пыш-йисны сэтысь: вөрса олысьяссө вывті ёна кутісны лыйлыны-вины. И пөтка-пемөс эз вермыны водзө быдтыны сэні пиянсө.

Некодлы вөлі норасыны та вылө, көть эськө унаөн көсйисны овны чужан парма-ягас. Но со сюрис Пушъяур нима том дозмөр, коді нинөмысь эз пов. Пушъяурлысь став рөдвужсө лыйлісны, и сійө колис өтнасөн. Котыртөг да чужан мутөг сылөн сьөлөмыс пыр нормис и нормис.

Өти рытө Пушъяур чукөстіс мукөд дозмөрөс да висьталіс, тырмас пө повны олөм кусөдысьясысь. Ми пө көсьям асланым му вылын овны, радлыны вөр-ваыслы, быдтыны пиянөс! Дозмөр чукөр воис өти кывйө да шуис, мый Пушъяур ветлас чужанінас да видзөдлас, мый сэні вөчсьө.

Пушъяур воис ас муас да шогö усис. Вөр-ваыс шуштöммöма звер-пöткатöг, вотöс оз дзоридзав-кисьмы. Пушъяур аддзис нывкаöс, кодi нориника сьылiгмоз мунiс вöрса ордымтi. Юрсö лэптiс нывкаыд да аддзис ловъя лолöс — дозмөрöс. Сылы таысь до-лыд лоис, да корис, мед Пушъяур кольччас татчö. Дозмөр но-расис нывкалы, мый пöткаяс оз вермыны локны чужанiнас, кыйöны найöс да. Нывка көсйысис отсавны налы да мöдiс горт-ланьыс.

А лун шөр бöрын локтiс ягö да висьталiс, верманныд пö бер-гöдчыны чужанiнад. Дозмөр став сьölöмсяньыс аттьöалис ныв-каöс да лэбис ёртъяссö корны.

Воисны пöткаяс, да парма-ягыс лунөн ловзис. Вотöс кутiс дзо-ридзавны-кисьмыны, шондi мöдiс шонтыны-ньюмъявны. Нывка быд лун воывлiс сэтчö. Пушъяур öтчыд юалис сылысь, кыдзи сийö вермис отсавны налы. Нывка вочавидзис, колö пö сöмын лоны бур сьölöмаөн да пöся радейтны ассыйд чужанiнтö, и ста-выс артмас.

Куликова Карина

Луздор районса Абъячой сикт

Вильгортса иностранеч


Ылын-ылын лунвылын олис-вылiс Акеллö верблюд. Кöзйи-ныс сылөн — зэв озыр купеч вöли. Та понда верблюд пыр ськөд ветлöдлiс да новлöдлiс гөрб вылас тöвар. Акеллö вöли тölка да ыджыд вежöра пемöсөн. Сийö пыр көсйис ставсö тöдны, но уджалiс көлуй новлысьөн.

Өтчыдысь Акеллө муніс аслас көзяинкөд пустыняті да кыв-
зисис, мый йылысь сёрнитöны йöзыс. Вöлөмкө, эм сэтшөм стра-
на — Россия. Сэні аслыспөлөс олөм, пемöсьяс, керкаяс. Но медся
ёна Акеллöос чуймөдіс, мый роч йöзлөн абуöсь верблюдьяс, на
пыдди — вöвъяс, а öнiя кадö нöшта — машинаяс.

Пуксис рыт, да караван сувтіс шойччыны. Войбыд Акеллө эз
узь, майшасис да мөвпаліс роч му йылысь. Зэв окота лоис сылы
сэтчö веськавны.



Серпасыс Владлөн, 2 «А» класс



Серпасыс Колялөн, 7 «В» класс

Тöлысь чöж верблюд думайтис пышйыны Россияö. И татшöм лунныс воис. Кöзяиныслөн вöлі нимлун. Локтисны весиг суйöрсайса гöсьтьяс, вайисны быдсяма козинъяс. Мöд луннас найö мунисны. Акеллö вöтчис машина бöрсяыс да воис аэропортö.

Верблюд виччысис, кор охранникъяс мунасны пажнайтны, и öдйö дзебсис самолётын багаж юкөнö. Мудзöмысла регыд унмовсис, а садьмис, кор самолёт пуксис нин. Охранникъяс эз на локны, да Акеллö ньöжйөнникөн петис самолётысь. Аэропорт вылын тыдаліс гижöд: «Видза корам Коми мулөн юркарö».

Поводдяыс вöлі ыркыд, зэра, абу лунвылын кодъ, но верблюдöс тайö эз повзьöд. Сійö петис да дыр гуляйтис карöд. Мунис-мунис да локтис көрт туй дорö, сы дорысь аддзис кутшöмкö тешкодъ пемöсьясöс. Вöлöмкö, тайö вöвъясыд и эмöсь. Найö тöдмасисны. Вöвъяс висьталісны верблюдлы, мый зэв бура олöны, чöскыда сөйöны, а гаж дырйи новлöдлöны челядьöс. Акеллö шуис налы, мый көсйис эськö кольччыны татчö. Но коді сійöс босьтас?

Недыр мысти локтис вöвъяслөн кöзяиныс. Шай-паймунис, кор аддзис «иностранечöс». Верблюд зэв меліа видзöдіс сы вылö...

Тадзи и кольччис Акеллö овны Вильгорт сиктö. Быд лун сійö йирсьö көрт туй дорын. А гаж муна лунъясö виль кöзяиныс мичмöдö верблюдöс лентаясөн да нуöдö кар-сиктö — челядьлы нимкодъ.

Сыктыварö ветлігөн ме ачым некымынысь аддзылі вильгортса иностранечöс. Сійö весиг воліс мян сиктö да гуляйтöдіс менö! Быд пöрйö карö мунігөн, Вильгортын, öвта верблюдлы киён. Тайö менам медся радейтана суйöрсайса пемöс!

Кутькин Илья

Сыктыв районса Межадор сикт

Вошлём гөлөс

Öти сиктын оліс-выліс Митрей нима зонка. Төвся лунö сійö му-
ніс чери кыйны. Горшыс косьмыны кутіс, а васö аскöдыс эз босьт.

Ковмис юкмöсысь юны. Ваыс зэв кöдзыд вöлі! Но мый вöчан?
Юис васö Митрей, да гөлöсыс дзикöдз воши.

Горшсö быттö ёкыш аслас ёсь тшöтьнас сутшкалö.

Локтіс гортас, мамыслы нинöм висьтавны оз вермы.

— Кöні вöлін? — юасьö мамыс.

— К-к-к-к!

— Мый?

— К-к-к-м-к!

— Ме тэнö ог гөгөрво.

— М-к-г-ö-лöс.

— Кытчö гөлöстö воштін?

— К-тöк.

— Мун öні да корсь ассьыд гөлöстö.

Митрей шогысла бöрддзис, но ковмис мунны юкмöс дорö ас-
сьыс гөлöссö корсьны. Друг кыліс, мый кодкö сылön гөлöсөн
сылö. Чöвтис шатинсö, да сылы вугыр йылас ёкыш пысасис, коді
сёрнитіс сылön гөлöсөн.

— Лэдз менö! — кевмысис ёкышyd. — Ме тэныд гөлöстö бөр
сета.

Митрей, дерт, лэдзис ёкыштö. Чери эз пöрйöдлы зонкаöс. Та-
дзи зонкалön гөлöсыс бөр гораммис да мичаммис. А Митрей ве-
сиг лоис зэв нималана сьылысьöн.

Збыль тайö али абу? Мөвпыштöй асьныд!

Кутькина Тамара

Сыктыв районса Межадор сикт

Шемöсмöдана коз

Олісны-вылісны сиктын пöль да пöч. Керкаыс налөн вöлі ичöтик. Öтчыд пöч шуö пöльлы:

— Ветлы вөрö да пес керав. Вай гортö, миян пескыс быри.

Муніс пöль вөрö да аддзис коз. Матыстчис сы дорö, көсйö керыштны. А козйыд и шуö:

— Эн менö керав, ме тэныд отсала. Мый көсьян, сійöс и сета.

— Менö пöч песла мөдöдіс, гортын пескыс быри да, — висьталіс пöль. — Сет миянлы öти пес додь, пöжалуйста.

— Мун гортад, пескыд и лоас.

Локтіс пöль гортас и аддзö, мый эм пескыд. Пырис керкаас, висьталіс пöчлы коз йылысь. Пöч сылы и шуö:

— Пескыд эм, а гортса пемöсыд абу. Мун да козйыдлысь кор.

Мый сэсся вöчан, ковмис мунны коз дорö. Пöль шуис сылы:

— Козйö, козйö, донаöй, веж лыска мича пу! Пöчö бара мөдöдіс менö тэ дорö. Мед ме кори гортса пемöсöс.

— Кутшöм гортса пемöс?

— А ме ог тöд.

— Ме тэныд сета каньöс.

— Бур.



Серпасыс Снежаналөн,

2 «А» класс

Локтіс пöль гортас. Аддзö керкасьыс каньöс. Куим рöма:
еджыд, сьöд да вижовгöрд.

Пöльлы и пöчлы каньыд кажитчис.

И найö нимтісны сійöс Мусяөн.

А сэсся пöчыд кутіс корны, мед коз сетас налы уна зарни. Но
пöль эз кывзысь, эз мун коз дорад. Öд налөн вöлі нин шуд ва-
йысь куим рöма кань.

Тайö лунсянныс пöль да пöч пондісны асьныс бура уджавны,
да быдтор налөн лои. А рытъяснас малалісны асьыныс радей-
тана Муся каньсö. Чайтісны, мый сійö вайö налы шудсö, озыр-
лунсö.

Ладанова Екатерина

Кулöмдін районса Кулöмдін сикт

Кык мöска мужик

Мужик локтö гортас да шуö:

— Öлена, шуöма-вöчöма, мунам ньöбны мöскöс!

— Кöні сійö кутас овны? — юалö гöтырыс. — Оз öд миянкöд.
Сійö ставсö кисьтас-жугöдас.

— А ме сылы карта вöча, — висьталö мужик да мöдöдчö
тшупны карта. Локтö рытнас да шуö:


— Гöтыр, лок мунам ньöбны мöстö.

— А мый сійö кутас сёйны? — юалö Öлена.

— А ме сылы сёян ньöба.

Пуксьö мужик телега вылö да муно сиктö. Локтö, пуктö
пельсö сёян тыра мешöк да корö гöтырсö:

— Лок нин ньобам мөстө.
Өлена матыстчө өшинь дорө да шуө:
— Вай аски. Өні пемыд лоө мунны вөртіыс.
— Но ладнө, — өтикывъясьö мужик. — Вай аски.
Кольö вой. Мужик чеччө водз да садъмөдө гөтырсө.
— Өлена, чеччы! — горзө сійö. — Лок мөстө бөръям.
Өлена дыгыдіника чеччө, матыстчө өшинь дорө:
— Миян матын абу видз. Кытысь ми босьтам ыджыд теле-
гасө, медым мөссө новлөдлыны? Сійö өд мудзас.
— Ме нажөвита сьом, ыджыд телега ньоба.



Серпасыс Кириллөн, 3 «А» класс

Мужик ветлө суседъяс дорас. Локтö да шуö:
— Мун ньöб мöstö!
— А сылы кө гажтöм лоас?
Мужик мөвпалö: «Збыльысь, ме гöтыра, а мöскыс öтнас».
— Ешшö ньöбам! — аддзö петан туйсö.
— Колö ыджыдджык карта вöчны, — вöзйö гöтырыс.
Мунö мужик ыджыдджык карта вöчны. Локтö да горзö:
— Вай мунам нин! Мöstö ньöбасны, йöвтöг колям.
— Миянлы ковмас кык пöв унджык сёян.
Ветлö мужик да вайö нöшта öти мешöк.



Серпасыс Кириллön, 3 «А» класс

— Но сэсса мунам нин ньобасьны.
— Миянлы колö нöшта ыджыдджык телега ньобны, ыджыд кузола. Медым кыкнан мöскыс тöрас.
— Ме ньоба сэтшöм кузола, мый куим мöс тöрас.
— Ме чайта да, көні куим, сэні и вит тöрас. Мун ньобась.
Мужик öвтыштö кинас, босьтö сьöм да мунö.
Гöтыр виччысьö-виччысьö. Мужик оз и лок. А сійö вöчö выль керка-карта да ньöбö кык мöскöс. Ме сійö зіль мужик дорас вöлі, чöскыд йöла чай юи да кринча нök гортö вайи.



Серпасыс Ариналөн, 2 «А» класс

Ладанова Екатерина

Кулөмдін районса Кулөмдін сикт

Вөрса

Өтчыд Вөрса гуляйтис вөрті. Аддзё, а сәні вөралысьяс. Найө казялісны Вөрсаөс, повзисны да шыблалісны ружьенысө, пыш-йисны бөр сиктө. Вөрса видзөдө ружье вылө и мөвпалө, кыдзи эськө сійө уджалө. Аддзис кнопка да личкис. «Бах!» — и пу вылын артмис розь. Нөшта өтчыд личкис кнопкаө — веськаліс тыө. Петіс Васа, скөрысь видзөдліс Вөрса вылө да горөдіс: «Мун татысь, спокой абу! А то мырддя тәнсьыд ружьетө».

Вөрса дөзмис Васа вылө. Петіс туй вылө, мөдөдчис сиктлань. Пырис сиктө. Мыйөн сійөс аддзисны йөзыс, здукөн пыштъялісны гортас. Гажтөм сылы лои. Вөрса бөр муніс вөрө. Друг зэрмис. Вөрса мөвпыштіс: «Меным колө кытчөкө дзебсьыны». Видзөдө — пөрысь пуын горс. Пырис сэтчө да кутіс узыны. Войнас мыйыськө друг садьмис. Видзөдө, а пу улын Васа сулалө, жу-гыльтчөма. Васа отсаліс лэччыны Вөрсалы му вылө. Сэсся эз нин пинясь Вөрсакөд. А то бара вошас.

Лапшина Евгения

Сыктывкар

Мыйла ёж сутшкасьысь?

Оліс-выліс вөрын ёж. Но вөлі сійө аслысьяма, торъяліс мукөд-сьыс. Ёж вурис аслыс пась, медым некод оз төдмав, мый сійө гөн-



Серпасыс Ленаралон,
3 «Б» класс

төм. Пемөсьяс казялісны ёжлысь мича пасьсө и корисны вурны налы сэтшөмөс жö. Ёжыд көйысис, пемөсьяс кө отсаласны сылы төв кежлө сёян заптыны.

Кор пасьясыд вöліны дасьöсь, некод ёжыдлы нинöм эз вай, некод эз отсав! Сöмын ур пыртис сылы уна тшак, вотöс, коль да кольтусь. И ёж вурис урлы нöшта öти пась.

Пемөсьяс тöдлісны та йылысь да кутісны корны вурны быдöнлы нöшта öти пасьöн. Но ёж налы шуис: «Ті меным төв кежлө сёянтö эн заптöй, сідзкө, нинöм ме тіянлы ог вур». Пемөсьяс скöрмисны сы вылö да шуисны, мый сёясны сійöс. Кутіс ёж мөвпавны, кызди асьсö дорйыны. Сэсся босьтіс уна ем да сатшкаліс аслыс пасяс — и лоис сійö здуксянныс сутшкасьысьöн.

Лихачёв Егор

Сыктывкар

Мыйла помидор гөрд?

Жар гожöмын сиктса йöрын быдмисны град выв пуктасьяс: öгуреч, морков, кабачок да ичöтик помидор. Найö олісны бура и нимкодясисны, кор муысь мыччысьліс выль олысь.

Сöмын помидор эз нимкодясь. Сійö быдмис куст вылын, град бокын. Суседьяс кө шмонитлісны, помидор броткыліс: «Кутшöм йöйöсь, быдторйысь налы серам».

Кор град вылын петавліс выль пуктас, помидор шогсьыліс, мый и местаыс этша, и ваыс оз тырмы ставлы. Скёрысла сійö вöлі турунвиж.

Öти мича лунö град вылын мыччысисны кабачокъяс да öгу-речъяс. Ставöн радлісны выль ёртъяслы, и сöмын помидор вöлі жугыль. Тайöс казяліс шонді, лэччис и юаліс:

— Мыйла тэ век скöралан, а он радлы?

Помидор лөгпырысь видзöдліс шонді вылö, но нинöм эз воча-видз. А шонді шуис сылы:

— Видзöдлы лук вылö. Лук — зэв бур град выв пуктас, но коді сійöс вундалö, ёна и бöрдö. Мыйла тэ скöралан, кор тэнад эм уна сусед и тэ зэв чöскыд?

Помидорлы лои зэв яндзим, и сійö гöрдöдіс.

Колис уна кад, но помидорлы öнöдз на яндзим шонді да ёртъяс водзас. Со мыйла помидор гöрд!


Лушков Ренат

Сыктыв районса Поёл сикт

Лымка да Лымпилöн ёртасьöм

Тöвся рытö, кор ывлаын син ни пель эз тыдав, сöмын увгис да омляліс бушков, вöрдорса видз вылын паныдасисны кык ёрт. Налы татшöм поводдяыс сьöлöм вылас ёна воис: гөгöр лым чиръяс гартчöны, муыс кыз еджыд эшкын улын шойччö, гожся пöсь шонді оз дöзмöдчы. Шуисны тайö ёртъяссö Лымкаöн да Лымпиöн.

Лымка вылын вöлі турунвиж тугъя шапка, гöрд шарп да гöрд кепысь. Шапкаыс да шарпыс мичмöдöма коми серöн. Лым-



Серпасыс Алёшалён,

3 «Б» класс

Ме көсья, мед му вылын лоас унджык татшөм ёртыс, өд натөг овнытö гажтөм.

пи тшөтш пасьталöма шоныд пеля шапка, гөрд сера кепысь да лым чиръясөн мичмөдөм югыдлөз шарп.

Неуна варовитыштөм бөрын ёртъяс кутісны вуджны йизьöм ва гөп вомөн. Медым Лымка эз усь, Лымпи вöйис кутчысьны киас. Ёртъяслы вöлі лөсьыд да нимкодъ: некод эз дөзмөдчы, найö чөла восьлалісны да мөвпалісны, мед эськө некор тайö рытыс эз помасьлы, мед эськө дырджык эз лок тувсов кад да эз торк налысь ёртасьöмсö.

Лымина Василина

Усинск кар кытшса Щеллябөж сикт

Ичөт Мой

Оліс-выліс ичөт Мой. Оліс сійö өтнасөн, бать-мамыс чери кыйысьяслы тывйö сюрисны да. Быд лун Мой вöчис аслыс виль оланін. Ичөт Тим ёна радейтіс васö, лунтыр уяліс, тöдмасис вильторъясөн. Ётчыд сійö пырис ваö зэв пыдö да акнитіс: сәні вöлі сәтшөм лөсьыд, ставыс дзирдаліс-югъяліс, а шөрас су-

лаліс ыджыд дворец. Тадзи ичөт Тим сюрис ваувса царствоо. Сійөс кытшалісны кымынкө дзоля чери да нуөдісны цар дорө.

Цар пукаліс ыджыд трон вылын. Киас кутіс лэбын кодь бедь. Скөрпырысь юаліс, мый пө тэныд татысь колө. Шөйөвошөм ичөт Мойлөн кывйыс горшас сибдіс. Царыд аддзис Тимлысь повзьом синсө да нюммуніс. Кутіс мелі гөлөсөн сыкөд сёрнитны. Мой висьтасис, мый зэв ёна радейтө ва, олө өтнасөн да корсюрө гажтөмтчө.

«Тайөс позьө вежны, — шуис цар. — Верман овны миян дінын».

Тим көсйысис да кольччис ваувса царствоо. Быд лун сійө төдмасис выль олысьяскөд, нимкодясис мича местаясөн, но дум вылас пыр вөлі аслас оланіныс, аслас шоныд позйыс. Жугыльмис Мойыд да бара шыөдчис цар дорө: «Тіян дорын бур и мича ставыс, но ме көсья бөр гортө мунны». И цар лэдзис Тимөс да сетіс сылы свита, медым колльодасны берег дорөдзыс.

Ёна и радліс Мой, кор бөр воис гортас. Оз өд прөста висьтавыны: гөститны йөзын бур, а гортад нөшта на бур.

Макарова Анастасия

Көрткерөс района Ыджыдвидз сикт

Соня да зарни сус пу коль

Оліс-выліс нывка. Шуисны Соняөн. Таво арнас сійө муніс школао.

Өти асылө Соня петіс паркө гуляйтны. Парк шөрас сулаліс пөрысь пу. Пу вож вылас өшаліс качай. Соня тшөкыда гытсасис сәні. Со и талун сійө пуксис качайө да заводитіс качайтчыны.

Друг юр вылас мыйкө усис. Тайö вöлі сус пу коль. Зарни сус пу коль!

Нывка босьтіс сійöс киас да сюся видзöдаліс. Коль и збыль вöлі зарниысь. Соня вылö ставöн заводитісны дзоргыны. Нывка повзис да шыбитіс сус пу кольтö, но гөгөрвоис, мый сорасис: сус пу колльыд потіс, лои рудöн да мисьтöмөн. Соня жугыльмис да суйис жуглассö зептас. Друг нывка кыліс, мый кодкө сёрнитö. Лэптіс юрсö да аддзис уръясöс. Да, сідз и эм, тайö уръясыс сёрнитісны! Öти ур чеччыштіс Соня дорö да юаліс:

— Тэнö кыдзи шуöны?

— Менö — Соня. А мый, уръяс кужöны сёрнитны?

— Со тешкодъыд! Ачыс ур, а нöшта на öд юасьö, сёрнитöны-ö уръяс!



Серпасыс Давидлөн, 8 «В» класс

— Ме абу ур! Ме нывка.

— Кыдз шуан. Видзöдлы сöмын медводз ва гөптас, нывка.

Соня видзöдліс ваас да шогö усис. Ва рөмпöштан-сяньыс сы вылö видзöдіс ур.

— Тэ, көнкө, зарни сус пу коль жугöдін?

— Да, збыль! А кыдз нö меным бөр мортөн лоны? — майшасяна гөлөсөн юаліс Соня-ур.

— Мун пöрысь тупу дорö. Сэні олö сюсь сюзь. Вензьö-мын кө сійöс верман, тэныд сетас эзысь сус пу коль. Жу-

гöдaн сійöс да бöр лoан нывкaөн, гортaд вeськaлaн. Бoсьт мeн-
сьым урпийöс — сійö отсaлaс тэд вoчaкывъяссö кoрсьны.

Бoсьтiс Сoня урпийöс да кутiс кaвшaсьны тупу вылö. Дыр кa-
йис, вeсиг куимысь усьлiс кaйигaс. Сэсья мeдбöрын кaвшaсис
кыз вoж вылö, кöнi пукалiс сюзь.

— Видзa oлaн, ур!

— Видзa oлaн, сюзь! Мe тэ дoрö мoгөн. Эзысь сус пу кoльлa
вoи.

— Нo, сeтa тэныд сус пу кoльтö, сöмын вeнзьöмын вeрмы мeнö.

Дыр нaйö вeнзисны, a урпийд гусьöн отсaсис стaв вoчaкывсö
тöдмaвны.

— Бур тaй! Вeрмин мeнö. Бoсьт кoльсö.

Чeччыштiс Сoня тупу вылeсь, аттöoлiс урпитö да и жугöдiс
сус пу кoльсö.

А гортaс вoис нин бöр нывкaөн. Тaйö лунсянъыс Сoня вeк
кутiс уръяслы качaй бoкö сёян кoльны, чöсмöдлыны бьдeямa
öрeшкинaс.

Мaлярчик Aртём

Емдiн районса Айкaтылa сикт

Вeжaвидзaнa кыв

Oлiс-вылiс Гoшa лeвпи. Сылөн бaтьыс вöлi вöрпaяслөн сaрөн,
и Гoшa думaйтiс, мый сылы стaвсö пoзьö вöчны. Бaть-мaмыс
лeвпийöс ёнa и рaдeйтiсны да ышмöдiсны.

Öтчyд Гoшa мунiс лыa чукöр дoрö. Сэни вoрсiсны чeрeпaш-
кaяс, ёжикъяс да лeвпиян. Нaлөн стaвныслөн вöлi aслaс чaчa.

Гоша босьтчис мырддявны чачаяссö, шыблавны, пышйöдлыны. Сійö дзикöдз вунöдiс вежавидзана кывъяс йылысь. Вөрпаяс Гоша вылö скöрмисны да вöтлiсны сэтысь.

Левпи бöрддзис да мунiс батъ дорас норасыны. Батъыс висъ-талiс пиыслы, мый мырддявны чачаяссö оз позъ, а колö корны тадзи: «Вайöй меным, бур вылö, чачасö». Гоша локтiс лыа чукöр дорö да висъталiс сiдз, кызди велöдiс батъыс. Вөрпаяс юкисны левпикöд чачаяснас. Тайö кадсянныс левпилöн лои уна ёрт.



Серпасыс Лизалöн, 3 «А» класс

Манюхин Глеб

Емдiн районса Айкатыла сикт

Кызди Мефодей олыся отсалiс каньлы

Öти керкаын олiс-вылiс пöжасъысь. И вöлi сылöн канъ — Мусъ. Сійö бура кыйсис, эз весь ов.

Пöжасъысылöн керкаын тшöтш олiс и Мефодей олыся. Сійö вöлi шанъ и ёна ладмис канькöд. Но со каньыд пöрысьмис. Сійö кутiс лёка кывны, лёка аддзыны и эз нин вермы кутавны шыръясöс. А найö розьöдлiсны пызь мешöкъяс, пакöститчисны. И пöжасъысь думыштiс нуöдны Мусъöс вөрö да кольны сэтчö.

Кань гөгөрвоис көзяинлысь думсö да ёна дзугыльмис. Вись-таліс ассьыс шогсö Мефодейлы.

Олысялы эз жö ло нимкодъ. Сійö муніс сёрнитчыны шыръяслөн царкөд. Тшөкты пö шыръясыдлы, мед пöрысь канькөд паныдасигөн водасны, быттьö кулöмаöсь. А ме пö таысь быд лун мöда чöсмöдлыны тэнö пым пöжасөн.

Мöд лунас пöжасьысь пырис керкаас и казяліс: кань дорын кулöм шыръяс куйлöны. Видыштіс асьсö, мый тöкөтьö каньöс эз вöтлы керкаысь, а сійö со кутшöм пельк вöлöма. Пöжасьысь колис Мусьöс гортас да бура кутіс вердны.

Мусь кань да Мефодей олыся и öнөдз на олöны öтлаын да дöзьöритöны ёрта-ёртсö.

Мацконите Мария

Луздор районса Абъячой сикт

Сандра

Öти сиктын оліс Сандра нима нывка, ёна дыш да тöждысьтöм морт. Эз вöвны сылөн чой ни вок. Мамыс уджаліс лун и вой, медым чöскыдджыка вердны öтка нывсö.

Öтчыд сійö ыстіс Сандраöс пöчыс дорö нуны нянь. А пöчыс оліс мöд сиктын — ылын-ылын вөр сайын. Нывкалы мунны вöлі зэв дыш. Мамыс шуö:

— Ветлы, нылук, ну няньсö! Пöчыд пöрысь нин, оз вермы ачыс воленысö.

Бöрдöмсорөн Сандра мöдöдчис. Кузь туй сійöс виччысис. Съод вөр пыр. Нывка поліс, но синсö кунис да пырис сэтчö. Муніс-муніс, и виччысьтöг юр вылас усис коль. Сандра кутіс видчыны

да кокнас зымөдчыны. Эз и казав, кыдзи пырис нюрө да тувчис зыбучө. Коскөдзыс кор нин вөйис, сөмын сэки повзис. Бур, орччөн пу вөлі быдмө. Нывка кутчысис вожас да кыдзкө петис жө. Сөмын ставнас няйтчаліс. Видзөдліс Сандра дөра сумка вылас, перйис сэтысь көтасьом няньсө да шыбитіс муө.

— Омөлик нянь! Тэ вөсна ме чуть эг вөй! — горөдіс Сандра.



Серпасыс Арсенийлөн, 3 «Б» класс

Сөмын тайос шуис, веськаліс төдтөм эрд ылө. Видзөдө, а сәні котралө нывка. Матыстчис сы дорө юавны, кытчө сійө сюрис, да чуймис. Ачыс вөлөма! А нывкаыс водзө котралө да горзө: «Мись-төм пуяс, сьөкыд сынөд, косьмөм ковтөм дзоридзьяс!»

Сандра видзөдіс-видзөдіс ас ылас да кыдзи бөрддзис: «Прөстит менө, мамө! Ме тэнө ёна радейта! Босьт менө татысь,



Серпасыс Арсенийлөн, 3 «Б» класс

пыр кута отсасьны да кывзысьны!» Бөрдис-бөрдис дай унмов-
сис. А кор восьтіс синсө, вөлөмкө, пөчыслөн керкаас нин куйлө
крөвать вылын, кияс нянь кутө. Öдйө котөртис Сандра пөчыс
дорө, сывъяліс сійөс да сетис няньсө...

Рытнас нывка воис гортас. Ёна жө и кутліс мамсө! И унаысь
вашкөдіс сылы пеляс: «Ме тэнө радейта!»

Сандра тайө кадсяньыс пыр кывзысис мамыслысь да отсасис.

Машукова Милена

Луздор районса Абъячой сикт

Варгөс Мишук

Бөрын оліс-выліс Мишук нима том ош. Ок и дыш сійө вө-
лі — лун-лун быгласис туруна эрд вылын. Эрдыс вөлі зэв небыд,
быттө шөлкысь кыөм джодждөра, да тырөма быдсяма мича
дзоридзөн.

Кыдзи и быд пемөслөн эм аслас тырмытөмтор, сідз и Ми-
шуклөн вөлі. Зэв нин ёна радейтіс сійө ма. Ма радейтіс, а ветлы-
ны сыла дышөдчис.

Öтчыдысь туруна эрд вывті котөртигөн ошлы юрас воис
мөвп, кыдзи мала ветлөмсө позьө кокньөдны. И смелмөдчис
варгөс Мишук лөсьөдны эрд вылас пасека. Сөмын мыйысь вөч-
ны мазіяслы оланінсө? Гашкө, кыз пу чуркаысь?

Эз на удит Мишук синнас лапнитны, мазіяслы некымын
оланін вөлі дась. Ош сувтөдаліс найөс эрд пасьтала. Сэсся бара
на кутіс юрсө жуглыны: «Кытысь нө меным мазіяссө босьтны?»
Тайө здукө неылын кыліс дзизгөм шы. Вөлөмкө, мазіяс асьныс
локтөмаөсь.

Мишук корис найӧс
ас киӧн вӧчӧмтор дінӧ:

— Лэдза тіянӧс виль
оланінӧ, но кутанныд кӧ
меным ма дасьтыны!

Мазіяс видзӧдлісны
пасекасӧ — воисны ӧти
кывйӧ ошкӧд.

Мунісны лунъяс, и
дзизгысь гагъяс кутіс-
ны вайны ошлы ма. Ок
и чӧсмасис мудер пемӧс
юмовторнад, лун и вой
радліс. Недыр мысти
маыс лоис сэтшӧм уна,
мый Мишукыд эз нин
вермы ставсӧ сёйны.

Бара на кутіс мӧвпав-
ны: «Колӧ мыйкӧ вӧч-
ны юмовторнас!» И ду-
мыштіс сетны вӧрса
зверъяслы. Воис руч
мала, а водзӧсӧн вайис
чери. Сэсся — кӧч вотӧс
тыра ыджыд кӧрзинаӧн.
Бӧрас — сус пу колльӧн
сӧвтӧм пестерӧн ур да
мыш выв тыр тшакӧн ёж. Тадзи и пондіс сёяныс ачыс воны вар-
гӧс ош дорӧ. Бура заптысис Мишук тӧв кежлӧ! И ӧні на век олӧ-
вылӧ да радлӧ аслас вӧрын!



Серпасыс Алёшалӧн, 3 «А» класс

Микушева Софья

Көрткерөс районса Шойнаты сикт

Вөрлөн шемөсмөданторъяс

Миян Коми муным озыр тшак-вотөсөн. Ньюрын чепөсйөны шома турипув да юмов мырпом, пожөма яг да кыддза рас чөс-мөдлөны уна сикас тшак-вотөсөн. А нөшта вөрад паныдасьлөны и шемөсмөданторъяс. Со на пиысь өти.

Коркө өти сиктын оліс том зон. Шуисны сійөс Иванөн. Зон радейтіс кытшлавны вөрті, тшак-вотөс корсявны. Коркө сійө кывліс, мый свет вылас эм сэтшөм вөр, көні шемөсмөданторъяс паныдасьлөны: то вөрса пемөсъяс сёрнитөны ас костаныс, то ачыс Вөрсаыс тапикасьө вөрті, то пуяс ветлөдлөны. Первойсө, дерт, Иван эз эскы, колө пө ставсө ас синмөн аддзывны! Сэсся мөвпыштіс прөверитны, збыльысь-ө тадз.

Лөсьөдчис туйө, босьтіс пищаль и муніс. Ветлөдліс-тапикасис бура дыр. Мед гажтөм эз босьт, гораа сьыліс, мойдіс аслыс. Ним-кодясис мича вөр-ваөн, дзользысь лөбачьясөн, чөсмасис юмов вотөсөн. Но друг аддзө: мыр вылын кык көч пукалөны да варовитөны морт кывйөн. Ётиыс зэв азыма мыйкө висьталө, мөдыс гир-гарөн сералө!

Иван кывзіс-кывзіс, но бурасө сідз нинөм эз и велав. «А вай жө ме өтисө лыя. Гортын көч яя шыд лоас!» — мөвпыштіс зон. Зарадитіс пищальсө...

Көчильяс казялісны, мый мыйкө неладнө. Ётиыс саймовтчис, мөдыс пондіс корны: «Эн ви менө, ме тэныд ёртөн лоа». Зон видзөдліс да шуис: «Ладнө, ог кут тэнө вины». Көч шутөвтис-котөртис... Иван эз гөгөрво, мый көчыл муніс сылөн керка дорө, и шуис: «Ылөдліс менө көч».

Муніс водзё. Паньдасис Ваньё Вёрсакөд. Матыстчис Вёrsa. Көсйис Ваньё котөртны, но эз удит. Вёrsa сійөс сувтөдіс и шуис: «Но, мый видзөдан?» А детина нинөм эз вермы вочавидзны. Вёrsa висьталіс: «Эн пов, ме тэнө ог дөзмөд».

Ваньё муніс водзё. Видзөдө — ыджыд, джуджыд пуяс кыссьоны сылань паньд. Повзис Иван и зэв өдйө чепөсйис котөртны гортланьыс.

Воис, видзөдө, а сәні көчилыд сійөс виччысьө. И нөшта өд өти шемөсмөдантор лои: Көчыд нылө пөрис! И кутісны найө овны сөгласөн, лёксө төдтөг. А сійө вёрас өні йөзыс ветлывлөны тшакла да вотөсла. А гашкө, тайө ставыс вөт вөлі.

Морохина Диана

Сыктывдін районса Вильгорт сикт


Вёrsa да Пывсян Айка

Оліс-выліс Вёrsa. Оліс сійө пармаын, аслас лыска чомйын, Чула сиктланьын. Тані сылы ставыс вөлі төдса, ас. А неылын сулаліс пывсян, и оліс сәні Пывсян Айка.

Вёrsa да Пывсян Айка воысисны. Вёrsa вайлывліс сылы пармаысь сёян. Пывсян Айка прөстө эз жө пукав: ломтас шоньдджыка пывсянсө, пелькөдчас да корас Вёrsaөс рытпукны. Гажаа варовитігмоз сёясны найө тшака шыд, чөсмаясны вөтөсөн да юмов маөн.

Коркө Чула сиктысь кайисны вөрө йөз, матыстчисны налөн оланін дорө, мыйкө корсьысьоны. Вёrsa мөвпыштіс: «Ак, тайө-яс меньым став сёянөс бырөдасны». Сылы эз кажитчы, мый йөз

юасътӧг пырисны овмӧсас. И кутіс мӧвпавны, кыдзи эськӧ вӧт-
лыны найӧс татысь. Медводз шуис котӧртлыны Пывсян Айка
дорӧ отсӧгла. Муніс, пырис пывсянӧ, аддзӧ: Пывсян Айка
шойччӧ, мыйыськӧ, тыдалӧ, ёна мудзӧма. Забеднӧ Вӧрсалы,
сылы унджык уджыс сюрӧ да, ӧд быд лун колӧ кытшовтны став
вӧрсӧ, ӧлӧдны лӧк вӧчысьясӧс. Вӧрса кӧрис чужӧмсӧ, паськӧдіс
синъяссӧ, ыджыд гӧлӧсӧн шыасис:



Серпасыс Ленаралӧн, 3 «Б» класс

— Абу тэныд яндзим тадзи куйлыны? Со, гусясьысьяс вет-
лөны орччөн, некодлысь нинём оз юасьны!

Пывсян Айка нюжмасьёмён сувтіс джаджйысь:

— Мый месянь колө? Көдзыд ваён тэнө киськавны? Али
корёсявны? Зэв тай ёна ызьёмыд! Код төдас, кодъяс найө, бур
вайысьяс али лёк вöчысьяс. Эн шызьөд став вөр-васө, пуксьыв
лабичас, мөвпыштлам, мый вöчны.

— Тэ, — шуис Вöрса, — вай пывсянтө жарджыка ломты,
русө лэдз ывлаас, мед став вöрсө вевтяс. А ме ру пытшкөдыс
мисьтöма петкөдча на водзын, горöда — йöзыс повзясны да
пышъясны.

— Жаль али мый вöрыс тэныд? — пыр на сувтöдны көсьö
Вöрсаөс Пывсян Айка. — Вöрыс тані озыр, ставлы тырмас тшак-
вотöсыс.

— Абу сыын делöйс, а кыдзи, кутшöм могөн локтöны. Важ
йöз, вөрö пыригөн на, юасьлісны, позьö оз тшак-вотöсла, звер-
пöткала пыравны, уна эз босьтлыны сэтысь, нулісны, мында
мыш вылас төрас. А тайöяс нинём оз юасьны, котралöны тані,
бытьтö гортаныс.

Тадзи найө дыр на, гашкө, вензисны. Кылө, кодкө көджас пы-
рис, сэсся таркөдчис. Восьтісны öдзöс, а сэні ичөтик морт сулалө.

— Мый колө? — юалө Пывсян Айка.

— Вöлі зэв уна тусь тані, сэсся эз кут сюравыны. Бать-мам ылө
мунöмаöсь, ме наысь кольччи.

Пывсян Айка Вöрсалы шуö:

— Тэ дзебин став вотöссö? Бать-мамыс, көнкө, мында синва
кисьтісны, зонка вошöма да. Öдйö ордым вöч, мед татчö петас-
ны. Ачыд со лёкалан, а вöрын кымын «оз позь» колө төд вылад
кутны. Бурсö медводз ачыд петкөдлы, сэсся мукөдсö велөд.

Вöрса кывзысис, уськөдчис ывлаө. Здук мысти пырис да шуис:

— Тонö бать-мамыд, эсійö чукуль саяс, талань локтöны.

Зонка радысла чеччыштіс места вылас, да друг кутшөмкө ёк-
мыль уси джоджас. Ләптіс, разис тубрассө, а сәні сәтшөм мича
көвдум куйлө. Зонка мыччис Вөрсалы да шуө:

— То, мамөй пуктыліс, вөрө пыригад коль пө мыр вылө вөр-
са олысьясыслы. А менам вунөма, лэбач сьылөм шыө ылалі.
Налөй, тайө тіянлы, чөскыд тусь-вотөсысь. Мед мөд во унджык
на лоас.

Сәсся петіс зонка бать-мамсө паныдавы. А Вөрса да Пыв-
сян Айка джынъясисны дивө кодь көвдумөн да воисны өти
кывйө: абу на став йөзыс тшыкөмаөсь, и дыр на вөр-ваыс мичаөн
кольө.

Напалков Дмитрий


Кулөмдін районса Джеджим грезд

Чукчи да дозмөр

Оліс паськыд вөрын пөрысь чукчи.
Олөмыс сьылөн матыстчө нин вөлі пом-
лань. И сійө мөвпыштіс лэбзьывны
бөръя путешествеө.

Туйын ськөд паныдасис том доз-
мөр. Чукчиыд юаліс, кытчө нө пө мө-
дөдчин. Дозмөрыд нинөм эз вочавидз.
Сәки чукчи шуис, тә пө том на да ләч-
кө верман юртө суйны. И лэбзис водзө.

Лэбаліс, лэбаліс да аддзис, кыдзи
том дозмөрыд ләчкө шедөма. Матыст-
чис сы дорө да юаліс:



Серпасыс Ванялөн, 8 «В» класс

— Мыйла тэ пырин лэчкас?

Дозмөрыд шуис, пелысьсö пö аддзи да сёйны көсйи.

Чукчиыд мездіс дозмөртö.

Но вöралысь сэсся асьсö чукчисö кыйис да нуис вөр керкаö. Дозмөр сәки лэбзис вöралысь дорад, мед дорйыны чукчисö. Воис керка дорас, аддзö: чукчиыд му вылын куйлö. Пальöдіс сійöс, отсаліс чеччыны, но мöдыс эз вермы кыпöдчыны, медым лэбны сэтысь.

Дыр думайтіс дозмөр, мый вöчны, и мөвпыштіс. Шуис:

— Вай ме ас вылын нуа тәнö.

Босьтіс да сьöкыда кыпöдчис, лэбöдіс километр ылнаöдз.

Кöсйис вöралысь куштыны чукчитö, а сійö абу. Талун пö тай абу менам луныс, мөвпыштіс вöралысь. Да бөр пырис керкаас.

А чукчи аттьöаліс дозмөртö. Тэ пö меным тшöтш отсалін да, шуис мöдыс.

Тадзи пöрысь чукчи да том дозмөр лоины бур ёртъясөн.

Напалков Святослав

Усинск кар кытшса Щеллябöж сикт

Поводдя йылысь мойд

Оліс-выліс Педөр нима мужик. Кöть и эз нин том вöв, весь эз ов. Век мыйкö вöчис-зілис: то пырта сувтöдас, то пес поткöдлас да тэчас, то куртас да сотас кос турун — лунтыр горт гөгöрыс ноксьö.

А тулыснас кутіс сійö казьявны, мый поводдя лунысь-лун лёкджык и лёкджык. То лунтыр зэрас, то лым усяс майын, то сэтшöм төв ныр кыпöдчас, кöть кок йывсьыд нуас.

Пукалө Педөр өтчүд өшинь дорас, виччысьö зэрлысь помасьом и мөвпалө:

— Мый нө тайö поводдяыскөд вöчсьö? Некедз оз лэдз ывлаын уджавны. Мыйкө небеса-енэжас абу ладнө. Тадзи сэсся оз позь овны, мыйкө колө думыштны.

Кор зэрыс кобыштіс, Педөр муніс вөрө да кераліс кузь вöсни пуяс. Найöс өтилаө йитіс. Артмис зэв кузь потш. Сэсся Педөр вöчис дзик жö татшөм мөд потш. На вылө тувъяліс уна-уна

дженъыд вöсни чурка — артмис пос. Вель кузь пос — весиг синнад он аддзы мөдар помсö.

Сэсся Педөр воліс гортас, босьтіс ыджыд ноп. Ноп пыткас сюяліс пурт, чер, гез, истөг да кос нянь. Шыбитіс нопсö мыш вылас да бөр муніс вөрө. А ывлаын бара нин зэрö.

Педөр босьтіс поссö, сувтөдіс — вöчөмторйыс нюжаліс дзик небесаөдз. Ньöжйөнникөн тувчыштіс пос вылас да заводитіс кавшасьны.

Сійö кайис лун дай мөд, воис дзик кымөръяс дорөдз. Найöс вуджөм бöрын аддзис зэв югыд енэж. Видзөдліс гөгөр да казяліс дзор тошка старик-öс.

— Коді тэ? — юаліс Педөр.

— Ме — енэж видзысь.
А тэ коді?



Серпасыс Ванялөн, 3 «Б» класс

— Ме — Педөр — муывивса коми мужик. Ме көсья аддзысьлыны поводдянас юралысьыскөд.

— Поводдянас юралысьыс миян Скөр Макей. Сы дорö буржык не мунны.

— А ме мөда. Петкөдлан туйсö?

— Петкөдла, сöмын юалöм вылö вочавидз.

— Но, сідзкö, юась.

— Коді асывнас ветлөдлö нель кок вылын, луннас — кык кок вылын, а рытнас — куим кок вылын?



Серпасыс Ванялөн, 3 «Б» класс

— Тайö дзик кокни. Морт.

— Тэ тай збыльысь зэв төлка. На, босьт тупыльсö, сійö тэныд туйсö петкөдлас.

— Аттьö, пöльö.

И Педөр мөдiс тупыль бөрся. Зэв дыр сійö мунiс, куим лун дай куим вой. Казялiс, мый кымын матынджык сійö Скөр Макей дорö, сымын поводдяыс лөкджык и лөкджык.

Другысь Педөр джөмдiс. Сы водзын сулалiс ыджыд морт, зэв скөр чужöма.

— Мый тэн колö? — юалiс мортыс.

— Ме корся Скөр Макейöс.

— Тэ сійöс аддзин нин. Ме Скөр Макейыс.

— Ме мыйкö юавны тэнсьыд көсья. Тэ верман поводдясö лөсьыдджыкөн вöчны?

Скөр Макей босьтчис серавны да шуис:

— Ме? Некор ог! Ха-ха-ха!

— Вай, сiдзкö, тышкасям. Кодi вермас — сійö и поводдянас юравны мөдас.

— Ладнö.

И заводитiсны тышкасьны. Скөр Макей вöлi кык пöv ыджыдджык Педöрысь, да и кык пöv ёнджык. Вынтöммис коми мужик, но сетчыны абу окота. Дум вылас уси гезйыс, кодöс босьтiс аскöдыс. Кыскис нопсьыс сійöс. Сэсся öдйö гартлiс Скөр Макейлысь коксö, кыскыштiс гезсö, и поводдяөн юралысьыд грыпкысис-усис. Енэжыс весиг ставнас сыркмунлiс.

— Но мый, Скөр Макей, ачyd му вылö поскöдыс лэччан либö тэныд отсавны? — юалiс Педөр.

— Ачым, ачым.

Скөр Макей лэччис му вылö, а Педөр кольччис енэжас, поводдянас юравны. Йöзыс сылы пуктiсны Перун ним.

Поводдяыс сэксянь тӧдчымӧн бурмис. Перун ыстывліс зӳрсӧ, сӧмын кор муыс ёна косьмыліс. Коми уджач йӧз ӧні вермисны и турун пуктыны, и пес пилитны, и гӧрны-кӧдзны... Кад сюрліс и шойччыны. А Скӧр Макей олӧ-вылӧ Педӧр керкаын. Сылысь уджсӧ вӧчӧ да овмӧссӧ кутӧ. И нинӧм вылӧ оз элясь.

Немчинов Генрих

Изва района Кыдзкар сикт

Вужляувса олысь

Важӧнсянь нин висьтавлісны Печора юын чери кыйысьяс: Урбӧжаын пӧ олӧ пудйысь сьӧкыдджык сир. Некодлы на сійӧ киӧ абу волӧма. Петавлас ва веркӧсас, оровтас кӧрт черисӧ и бӧр вошӧ.

Кывлі, оланіныс ӧксаньыслӧн чукля вужъя ыджыд колода улын. Сэн и видзӧ ассьыс озырлунсӧ Елизавета нима сир. А ошйысьнысӧ сылы эм мыйӧн, кӧть экскурсияӧн мун. Быд вож — аслыспӧлӧс «жыр». Отаджык вожас — ыджыдджык кыснан, оттӧмджыкас — ичӧтджык. Медся торъялана увъяс ӧшалӧны зарниӧн дзирдалысь мичаторъяс. Чукӧртліс ӧксаньыс трофейяссӧ уна во чӧж. И унатор аддзыліс кузя нюжалӧм Печора ю кытшлалігӧн.

Ӧтчыд шондіа лунӧ катіс пудъя сир Урбӧжаті. Тшӧтш катісны посни кельчияс да сынъяс. Кынӧм сьумалӧм вӧснаыс Енныв* корсис ыджыдджык да пӧтӧсadjык чери. И друг ва пыдӧсын вуджӧртіс ыджыд сир. Вомас тыдаліс зарни чери. Елизавета ӧксань гӧгӧрвоис, мый тайӧ сирыс тшӧтш ӧктӧ трофей-

* Елизавета нимлӧн вежӧртасыс — Енлы эскысь, Енмӧс пыдди пуктысь.

яс. Зэв окота лоис сылы сёйны сирсё да босътны аслыс зарни кыснансё.

Елизавета өксань кыйёдіс лёсялана здуксё да кыз тай кватитас висьсё. Но сирыс ачыс кутіс кыскыны пудъя өксаньсё. Вёлөмкө, зарни кыснанас көрталөма вугыр көв, а көвсё кыскө чери кыйысь. Енныв өдва мынтөдчис коньөр сирсьыс да кывтіс ю пыдөсті аслас короминаө. Уна кад на Елизавета өксаньлысь бурдөдіс пиньсё Печора юын нималана врач Марина ёді.

Ненина Алина

Емдін районса Айкатыла сикт

Кык Нюмпас йылысь мойд

Олісны-вылісны шань Нюмпас да скөр Нюмпас. Шаньыслөн ставыс век артмыліс. Сылөн вөлі уна ёрт. А скөрыс век өтнас ветлөдліс, сылөн ни өти ёрт эз вөв.

Коркө өтчид шань Нюмпас муніс эрд вылө. Сы дорө матыстчис скөр Нюмпас да кутіс висьтавлыны быдсяма лёктор йывсьыс. Шань Нюмпас зэв ёна повзис да пондіс корны отсөг вылө. Зэв өдйө локтісны мукөд шань Нюмпас. Найө вөліны зэв унаөн, и нюмъялысь да авъя Нюмпасъяс костын скөр Нюмпасыс өдйө вошис. Ёні быдлаын кылөны сөмын вежавидзана кывъяс.



Серпасыс Арсенийлөн,
3 «Б» класс

Нестерова Анна

Сыктивкар

Бумеранг

Оліс-выліс Сандрө, Джиян грездса мужичöй. Сусö гöтырыс-кöд найö ладөн олісны, керка-карта идралісны. Коркö матыст-чис Сандрө дорö Сусö гöтырыс, шемöсмöданатор висьталіс.

Каяс Сусö вөрö тшакла. Видзöдö, ордым вылын куйлö руч, оз вөр. Ойзö сöмын. Сусö оз гөгөрво, мый лоöма. Видзöдлас, а ручыд, вöлöмкö, веськалöма налькйö. Сусö мездас ручöс.

Друг мыччыяс ачыс Вöрсаыс, налькйö индалысьыс. Вöрса и шуас Сусöлы:

— Молодеч, тайö вöлі мясянь мытшöд, но тэ вермин!

Та бöрын сетас Сусöлы зарни тыра сундук.

Сусö друг кытчöкö быттьö вошлас. Палялас — гортас.

Сандрө сюся кывзіс, но эз радлы гöтыр мойвиöмлы. Сійöс завидь босьтіс. Сандрө чукöртіс кöлуйсö да муніс вөрö. Видзöдö —



Серпасыс Давидлөн, 7 «В» класс

руч куйлө, налькйö шедöма. Вомöналіс сійöс Сандрö, эз мезды, горöдіс сöмын:

— Эй, Вöрса, вай татчö зарни тыра сундуктö!

Мыччысис другөн Вöрса, сетіс сундук. Сандрö кытчöкö быт-тьö здук кeжлö вошис, паляліс гортас.

Ошйысьö гöтырыслы, Вöрсатö пö аддзылі жö, сундук сетіс. Восьтіс зарни кудтö, а сәні из куйлө. Босьтіс изсö киас, да и пöрис ручö.

Оз ков, сідзкö, завидьтыны, бурджык, матыссаыдлы кö шуд усьö, нимкодясьышт сы вöсна.

Палева Александра

Удора районса Важгорт сикт

Мырпома эрд

Көнкö ылын, нюр шöрын, гожся шонді водзын садьмис ичö-тик мырпом тусь. Тайö нюрас сійö вöлі öтнасөн. Мырпом тусь чеччыштіс югыд кор соддзысь да мöдіс котöртны, корсьны аслыс ёртöс.

Лунтыр котралöм бöрын сійö кутіс мöвпавны: «А гашкö, тайö гожöмнас ме öтнамөн и садьми да?» Регыд мысти мырпом тусь пырис пемыд ягö, а сэсся бöр петіс да казяліс гöрд сера мича джодждöра. Сійö некор на татшöм дивöсö эз аддзыв. Воськовтіс матöджык, а тайö вöлöмаöсь сылөн чойяс — мырпом тусьяс.

«Кутшöм ыджыд да ярьюгыд мырпома эрд! — горöдчис мырпом. — Ме тшöтш кута овны татөн!» И сійö ладмöдчис югыд кор соддзö, кытысь мырпомыс вöлі нин войтыштöма.

Паршукова Дарина

Кулөмдин районса Мыс сикт

Көч да шыр

Оліс-выліс Көч Красавчик. Оліс сійө пу горсйын, му бердын. Красавчик быд лун пелькөдчис гортас. Гөгөр сылөн вөлі идөра.

Өтчид Красавчик петіс гуляйтны да казяліс, мый турун пиын кодкө легөдчө.

— Тайө нө мый? — мөвпыштіс көч да и горөдіс повзьөм-йивсьыс: — Коді сәні?

— Пи-пи-пи, — кыліс турун пиысь.

— Петкөдчив ноко! — шуис Красавчик.

Петіс турун пиысь шыр да и кутіс висьтасьны:

— Вот, Красавчик, олам ми тэкөд, вылам да ставсьыс полам. Кутшөм нө тайө эськө олөм? Вай ог кутөй некодысь повны, а бурпөт овны! — вөзйис шыр.

— А кыз сідз овнысө? — юаліс көч.

— А сідз жө! — шуис шыр. — Вөч сійөс, мый тэ медьёна көсьян.

— Ме көсья быд лун вөчны зарядка, мед дырджык не пөрысьмыны да век кольны красавчикөн. Но пола. Өд кымын тшыг звер асывсянныс корсьө кынөмпөт, миян коддьөмсө көсйө нылыштны. А ме чужи эг сы вылө, медем меөн тыртісны гырк. Вай өтлаын кутам ёнмөдчыны-мичмөдчыны!

— Кутам! — сетіс сөглас шыр.

Колис вель уна кад, визувтіс вель уна ва. Зарядка вөчөмысь шыр эз и быдмыв-ёнмыв, а Красавчик пыр туис-паськаліс! Кыкысь онас кусө вежліс.

Рубцова Юлия

Сыктывкар

Мича молодеч

Кутшöмкö государствын оліс öти сар. Дворечыс сýлөн вö-
лі ыджыд. А ачыс сар век дышöдчис, быд лун сöмын пируйтис.
Вöлі сýлөн Марья нима ныв, да воис кад верöс сайö сетны. Пон-
діс мöвпавны сар, кутшöм багатыр, кутшöм молодеч сайö сет-
ны нывсö.

Коркö öтчыд Марья гуляйтис паркын. Аддзис сійöс том зон,
Öндрей нима, мöвпыштис: кутшöм шань да мича ныв меным гö-
тыр вылö. Муніс сар дорö корасьны.

— Позьö нылыдлысь кисö босьтны? Ставсö вöча, мый шуан.

— Кутшöм тöлөн тэнö татчö вайисны? Лун тöлөн али вой
тöлөн? — юасьö сар.

А ачыс мöвпалö: «Абу, тыдалö, лёк зонмыс. Но мед петкöдлас
асьсö».

— Вай меным алöй дзоридз, кöнкö пö чульк йылын быдмö,
некод на абу аддзылöма, а ставныс тöдöны, сыысь мичаыс пö
нинöм абу.

— Ставсö вöча, мый колö, — кöсйысис Öндрей. Нылыс ёна
нин кажитчöма.

Аскинас мöдöдчис сійö витсё километра сайö. Мунö, мунö,
дыр мунö. Аддзö — керкатор сулалö. Мудзöма, шуис пыравны
шойччыштны. Некөн некод абу. Горöдіс: «Кодкö эм абу?»
Некод эз шыась. Пырис керкаад, а сэнi пызан, джек, роч пач,
ыджыд крöвать. Мöвпалö том молодеч: «Узьышта, шойччышта,
аски бара туйö». Кайис паччөрö да водіс.

Сёр войнас тайö керкаас локтіс вөрлөн сар — Вёрса, аддзö —
морт куйлö паччöрас, кутіс видчыны:

— Коді татчө менсьым юасьтөг пырөма? Коді менам керкаын узьө? Кодөс ме öнi виа да сёя?

Зон кыліс вöрса кöзяинöс, чеччис, броткö:

— Эн равзы. Узьны он лэдз. Менам туйöй кузь на.

— Вай тышкасям, — вöзйис Вöрса.

— Вай, — шуис Öндрей.

Мöдісны найö тышкасьны. Вöрса омöлик, киясыс — коз лапъяс, кокъясыс — сись мыръяс, сöмын гөлöсыс повзьöдчана. Öндрей и вермис сійöс, мöдыс керкаас öдва удитіс уйкнитны. Эз нин сэсся сэтчө пыр Öндрейыд, туйыс кузь на. А горшыс зэв ёна кутіс косьмыны. Матыстчис шор дорö, пондіс васö юны. Видзöдö, сы водзын кодкö вуджрасьö. Вуджöрыд и шуö:

— Мыйла юасьтөг менсьым васö юан? Вай тышкасям!

— А-а, тайö тэ, скөр Васа. Вай тышкасям! Ме тэысь ог пов!

Тышкасьны кутасны, а Васа ставнас ваысь да руысь, öдйö и мудзас. Öндрей йöткыштас сійöс гортас, ва пыдöсас, шуас, мекöд пö сэсся эн паныдась, да водзö мöдöдчас.

Мунас, мунас, уна лун мунас. Чульк воас. Видлас кайны — вильыд, оз вермы. Пырас вöрö, а сэн тешкодъ пу сулалö. «Ас пуöй али мый? Час жö видла лызь вöчны».

Шань пуыд öдйö и сетас асьсö вöлавны. Вöчас Öндрей лызь гоз да лэбас чульк йылöдзыс. А сэнi гөгөр еджыд лым, öтилаын сöмын мыйкö зэв



Серпасыс Настялөн, 3 «Б» класс

ёна югъялө. Матыстчас — алöй дзоридз, синтö пöртö, видзöднытö он вермы. Орöдас сійöс му бердсьыс Öндрей. Сюяс мешöкас.

Лызынад бöрсö öдйö и воас сар дорад.

— Ме дыр ветлі, полöмöс вені, унатор аддзылі, ачымöс петкöдлі, ставсö верми. Сетан ме сайö нывтö?

— Аддза, — шуö сар, — тэныд колö сарөн лоны. Ме пöрысь, да дыш петö указъястö сэсся гижны. Босът нылöс гöтыр пыд-диыд. Мича молодечлы мича гöтыр!

Ме тшöтш сэні пируйті, маөн чöсмаси, öні на вом дорöй юмзöма.

Савина Евгения

Луздор районса Абъячой сикт

Наян руч



Серпасыс Алёшалөн, 3 «Б» класс

Ылын-ылын вой-
вылын мича расъяса
пармаын оліс-выліс му-
дер ош Иван Шурик.
Öтчыд вотöс сёйöм бö-
рын небыд нитш вылын
куйлігөн ошлы юрас
воис öти мöвп. Парма-
вöрыс сэтшöм ыджыд,
а весиг велöдчанін абу!

Öти мича асылö ош
корис вöрпаясöс да го-
раа висьталіс:

— Аски көкъямыс час кежлө локтанныд ставөн велөдчыны! Тані неылын эм ыджыд вөр керка, сэтчө важөн нин некод оз воы. Тайö лоас мян школа!

— А мый сэтшөмыс школа? Сэні вердөны? — юалис көин.

— Школа — тайö урокъяс, костъяс, гортса удж да весиг пажын кад! Школаö ветлөдлөны выль төдөмлунъяс босьтөм могьс, — вочавидзис Иван Шурик.

Вөрпаяслы кажитчис татшөм мөвпыс, өдийö котөртисны гортаныс. А ош муніс вөр керкаö дасьтыны класс.

Мөд асылö вөрыс шызис, ставөн тэрмасисны велөдчаніө. Югыд вежөсын найөс виччысисны партаяс вылын куйлысь мича



Серпасыс Алёшалон, 3 «Б» класс

серпаса небөгъяс, стенин өшаліс ыджыдсьыс-ыджыд пөв, а бо-
кас — сямөдысь вөчөм мел дозмук. Вөрса пемөсъяслөн весиг
вомыс воссьыліс — шемөс босьтіс!

Сөмын руч эз көсйи мунны школаө. Сылы дыш вөлі вөчны
гортса удж. Пыр сөмын и долис: «Колантор тайө тіян велөд-
чөмныд!»

Быд асыв вөрпаяс тэрмасисны школаө. А руч кыйөдчис на
бөрся да мыйкө майшасис...

Вежон мысти бура велөдчөмысь Иван Шурик козьналіс
көчлы морков, көинлы — кампет, урлы — кольяс. Радлысь пе-
мөсъяс кутісны ворсны-чеччавны, а сәсся пуксисны вөчны
гортса удж. Тайө кадө руч видлаліс мича серпасъяса небөгъяс,
ранецъяс да чөскыдторъяс. Медбөръяөн нин босьтіс дневник, ад-
дзис бур оценкаяс да гораа бөрддзис! Вөлөмкө, сійө абу көсйөма
кольны велөдчытөм пемыд пемөсөн.

Дзонь лун вөрпаяс велөдісны ручөс сыө, мый төдісны нин ась-
ныс, а мөд луннас өтлаын котөртісны школаө. Найөс виччысис
ыджыд төдөмлунтъясө кузь туй!

Севостьянова Майя

Емдің районса Айкатыла сикт

Мывкыдтөм лягушапи

Оліс-выліс нюр вылын лягушапи. Сійө эз төд ни өти вежави-
дзана кыв. Лягушапиөс быдтісны лёк оласнога тьөтъяс.

Өтчыд лягушапи көсйис сөйны мича бобулөс, да эз казав, кы-
дзи муніс зэв ылө ас нюрысь. Ылаліс да ёна повзис. И паныдасис
сылы пөрысь дзодзув. Лягушапи и шуис:

— Эй, дзодзув, өдйö петкöдлы меным гортö мунан туйсö!

Дзодзув сöмын бöжнас пыркнитіс и пышйис. Чуймис лягушапиыс, мыйла дзодзув эз отсав сылы, и чеччалігтыр муніс водзö. Туй вылас сылы паныдасисны кыйяс. Лягушапи налы, кыдзи и дзодзувлы, тшöктіс петкöдлыны туйсö, но кыйяс тöкөтйö эз сёйны сійöс. Повзис весиг лягушапиыд. Дзебсис сійö вужля улö да пукалö. Эз и казавлы, мый сы бöрся видзöдö черепаха.

Жаль лои черепахалы лягушапиыд — висьталіс вежавидзана кывъяс йылысь, кодъяс ставлы отсалöны. Збоймис сэки лягушапиыд да чеччаліс водзö.

Регыд паныдасис сылы ёжпи. Лягушапи и шуис:

— Ёжпи, колльöд, бур вылö, менö гортö.

Ёжпи нимкодъпырысь отсаліс сылы. Вежавидзана кывъясыс вермöны вöчны быдсяматор. Весиг лёк оласнога тьötъяс зэв ёна повзисны лягушапилөн вошöм понда да öні аттьöалісны ёжпиöс, висьталісны сылы уна бур кыв.

Кöсья, медым тайö висьталöмыс лоас тіянлы велöдöмөн.

А ті, челядь, вежавидзысьöсь?

Станкевич Дмитрий

Сыктывкар

Миша ошлөн муслун

Оліс-выліс Миша ош. Сійö вöлі зіль да киподтуя. Гуыс век вöлі сöстöм да гажа. Но оліс сійö öтнас, да весиг быттйö шуштöм босьтліс таысь.

Микайлö быд лун ветліс вөрö, медым сьölöмыс сылөн эз гажтöмтчы. Вöрын век гажа! Көнкö лэбачьяс сьылöны, а көнкö и зверьяс кылöны.

Öти асылö Миша ош садьмис да мöдiс вөрö корсьны кынöмпöт. Мунiс да мунiс и воис сiйö видз вылö. А сэнi сэтшöм мича дзоридзьяс быдмисны! А дукуыс!

Микайлö ёна и нимкодясис чветьясөн. Но друг видз помысь аддзис энь ошкöс. Сiйö сэтшöма кажитчис Мишалы! Гöныс югъяліс, да сы вöсна торья нин мичаөн вöлі энь ошкыд. Микайлö-



Серпасыс Алёшалөн, 3 «А» класс

лы окота лой тѳдмасьны ськѳд. Мишук ѳктіс мича дзоридзьяс да матыстчис ош дінѳ.

— Кьдзи тѳнѳ шуѳны? — юаліс Михайлѳ.

— Ме Настук, — вочавидзис ѳнѳ ош.

Тадзи найѳ тѳдмасисны. Миша ош козьналіс Настуклы дзоридзьяс. Мѳдыслы сѳтшѳм лой долыд сьѳлѳм вылас. Сѳссия ѳт-лаын мунісны вѳр кузя гуляйтны. А арнас найѳ гѳтрасисны.

Тарабукин Александр

Сыктывкар

Вѳрын

Оліс-выліс ѳти сиктын зѳв тѳлка зонка, кодлы вѳлі сѳмын на сизим арѳс. Сійѳ зѳв ѳна радейтіс чужанінсѳ, зіліс мичмѳдны ѳшинѳ ув, аддзѳм лѳп-ѳгсѳ ывлаысь пыр чукѳртіс. Бур зонка воис сьѳлѳм вылѳ ставлы. Ѳтчьд сійѳ муніс батыскѳд вѳрѳ пес вѳчны. Воис-ны пожѳма ягѳ, батыс и шуѳ:

— Ме кута пѳрѳдчыны, а тѳ, Ванюк, ѳзты бипур, сюся видзѳд да кыйѳд, ме-дым биыс оз кус, пузьѳд тшай.

Пиыс вочавидзѳ:

— Тані, батыѳ, вѳрсаяс олѳны, найѳ вѳчасны ставсѳ, мый ме тшѳкта. Тѳнад локтігкежлѳ ставыс лоас дасѳ.

Сувтіс зонка югыдінѳ, горѳдіс:



Серпасыс Снежаналѳн,

2 «А» класс

— Вёрсаяс, видза кора отсалыштны меным, а ме тiянёс мезда лөп-ёгысь!

— Мый колö вöчны? — кыліс гөлөс.

Зонка ставсö висьталіс, а ачыс мөдөдчис чукөртны вежөртөм йөзлысь шыбласьяс. Колис кад, Ванюк бергөдчис да аддзис бипур вылысь пөтка яя шыд да сэтöра тшай. Бипур дорын некод эз вөв. Аттьöалис зонка вёрса ёртьяссö, сетіс кыв, мый кутас водзö видзны вөр-васö да сійöс радейтны. Сэккості воис батьыс, чуймис дась пажын вылö да ошкис писö: «Ванюк, тэ тай менам зэв зіль да төлка!»

Терентьев Дмитрий

Усинск районса Сем Öндрей сикт

Шонді-мам

Оліс-выліс Шонді-мам. Быдөнлы вайис сійö радлун: и йөзлы, и лэбачьяслы, и пемөсьяслы. Öд Шонді улын быдмис ставыс: и пуяс, и кустьяс, и дзоридзьяс. Лэбачьяс асывсянь рытөдз сылісны мича сыланкывьяс. Мурзик кань лунтырьясөн куйліс Шонді водзын да шонтіс бокьяссö.

Гашкө, и водзö эськө тадзи вөлі да, эз кө өтчыд...

Витя локтіс школаысь — мамыс ыстіс сійöс киськасьны. А зонкалы вөлі окота компьютерөн ворсны. Та вөсна скөр кывьясөн да кабырьясөн уськөдчис сійö Шонді вылö.

— Мун татысь, тэ понда содтөд удж сөмын лоö вöчны!

Шонді-мам скөрмис да муніс ылö-ылö. А Зэр тайöс и виччысьöма. Лун и вой кутіс кисьтны, көтөдны мусö.

Некымын лун мысти юыс заводитіс туны. Садйын эз нин кыв лэбач сьылөм. Мурзик кань куйліс өшинь вылын. А Витя мудзис гортын пукалөмысь да унаысь нин казътывліс Шонді-мамөс. Дум вылас усис, кыдзи пиняліс сійөс. Сэк сөмын гөгөрво-ис зонка ассъыс мыжсө. Зэв өдйө котөртіс сэтчө, көні оліс Шонді, да корис прөща. Шонді прөститіс Витяөс. А сэсся кутіс югъявны сідз, мый Зэрлы некытчө лои воштысьны да ковмис пышйыны ылі муясө. А Витя быд лун пондіс котравны ывлаын да радпы-рысь киськавны дзоридзьяс.

Терентьева Софья

Луздор районса Абъячой сикт

Дона гоб



Серпасыс Глеблөн,
3 «А» класс

Оліс-выліс ай-мамтөм том зон Тимошка. Босьтісны сійөс ас дінас лёк вира йөз. Тимошка на вылө помся уджаліс, мед көть сёянтөр вичмөдасны. Тулыснас сійө көдзис шобді, гожөмнас чери кы-йис, тшакаліс да вотчис, а арнас чукөр-тіс град выв пуктас.

Өтчыд көзяеваыс мөдөдісны Тимош-каөс вөрө тшакла. Зон босьтіс ыджыд көрзина да муніс. Дыр ветлөдліс, весиг кынөмыс сьумаліс. Кор көрзинаыс ты-рис, Тимошка мөдөдчис гортас да друг неылысь аддзис ыджыд дона гоб. Ма-

тыстчис, кӧсйис нетшыштны сійӧс. А тшак шыасис сы дорӧ, менӧ кӧ пӧ колян татчӧ, отсала. И зон сӧглас сетіс.

Гоб топнитіс кокнас, да лоис дивӧ. Тимошка веськаліс выль керкаӧ, а сыкӧд орччӧн лоины шань да тӧждысьысь бать-мам. Рытивбыд найӧ пукалісны сывъясьӧмӧн да сёрнитісны, а мӧд луннас мунісны дона гоб дорӧ да муӧдз копыртчылісны сылы.



Серпасыс Глеблӧн, 3 «А» класс

Торлопова София

Сыктывкар

Мыйла каньяс оз радейтны лэбачьясös?

Коркö важөн кань овліс вöрын. Быд лун сійö пукаліс пу вылын да видзöдіс, кыдзи жбыръялöны лэбачьяс. Кань зэв ёна көсйис тшöтш лэбавны.

Öтчыд кань корис лэбачös лэптыны сійös енэжö. Лэбач сöмын сераліс сы вылын. Но кань ёна корис, и лэбач көсйисис. Кань кутчысис сылы бордъяс. Но кор лэбач качис вылö, сылөн кутіс висьны бордйис, и каньös уськöдіс.

Кань ёна жö и скöрмис лэбач вылö. Та бöрын каньяс оз радейтны лэбачьясös и пыр куталöны найös.

Филиппова Оксана

Изъва районса Изъвавом грезд

Туйбокса пожöм

Оліс-выліс школа йöрын ичöтик пожöм. Дум вылас усьлывлісны ай-мамыс, чой-вокыс да пожöма раскыс, чужаніныс.

Öні выль местаад пыдö нин нюжöдіс ассъыс крепыд вужъяссö, кыскö-някалö мусъыс васö, вердö-юкталö сөкнас ассъыс вожъяссö, кузь ем кодь лыссö.

Со тай сöвмö-быдмö-туö воысь воö.

Нимкодьясьö пожöм тулыслы и арлы, тöвлы и гожöмлы. Чик-тылö-радлö сы гөгöрын бергалысь-ворсысь челядьлы. Быд май


помын колльөдö школа помалысьясöс. Ёна и шенасяс зумыд увъяснас, турунвиж лыснас, а гашкö, синватор на войтöдас. Тадзи эськö оліс и оліс, нюжöдіс йывсö вывлань. Но абу тай Енмыс шуöма пожöмлы дзоньвидзаөн красуйтчыны.

Воис 2003-öд вося ода-кора тöлысь. Гажа пöра — школа помалысьяслөн виччысяна кад. Бара кутасны пожöм син водзті

ветлöдлыны еджыд бантьясанывкаяс, уна рöма шаръясөн ошйысьны.

Ода-кора 21-öд лунö рытьявылыс енэжсö кышис зэв сьöд кымөр. Чардбиён да гымён сійö повзьöдліс пожöмös. Кös-йис эськö пожöм аслас лапъясөн вöтлыны кымöрсö, но выныс эз тырмы. Öти бöрся мöд биньöв усис школа вылö, и друг школасö мöдісны нювны билён ёсь кывъясыс. Ок, кутшöм чепöльтана шог суис пожöмös! Лапъяснас быттьö мöдö вевттысьны, да некыз оз путымы! А сотчысь школа бöрдö шуштöм гөлöсөн, курыд синва кисьтöны трубаяс.

Пожöм эз и казавлы, кызди медвылыс увъясас би нюжöдіс ассьыс кузь кывсö. Эз тырмы сылы школаыд, уськöдчис пу вылö. Повзьöмысла коньöр пожöм эз лысьт



Серпасыс Славалён, 2 «А» класс

вөрзыны. Ас саяс вайөдіс сійөс йиа ва. Пөжарнөй шланг помысь лапгьяс вылө киссис эзысь ва. «Ола», — думыштис радпырысь пожөм, но сотчөм школалөн мыгөр вылө видзөдігөн бөр доршасис синваыс.

Пөжарнөй машинаяс да йөз мунөм бөрын пожөм дыр на майшасис эз сөмын аслас сотчөм понда, а челядь вөсна. Көні найө кутасны прөщайтчыны школаса олөмкөд? Көні найө кутасны водзө велөдчыны? Кор нөшта челядьлысь радлөмсө да шогсьөмсө аддзылас пожөм?

Но колисны вояс. Тулыс вежсис гожөмөн, гожөм — арөн, ар — еджыд пася төлөн. А сотчөм йыла пожөм век на сулалө туй бокын, шенасьө ки-лапгьяснас. Школа местаын өні быд рыт, лун и асыв ворсөны челядь футболись, гажөдөны пожөмөс.

Хабарова Мария


Сыктывкар

Серпасасьысь Катя йылысь мойд

Олісны-вылісны мам да бать. Налөн вөлі Катя нима нывка. Абу озырөсь, но и абу гөльөсь. Мам уджаліс пөжасянінын, а бать — математикаысь велөдысьөн.

Мамсө шуөны Наталь, батьсө — Миколай Сергеевич. Катялы дас вит арөс, сійө перкаль рөма юрсиа, турунвиж синма и зэв шань, бур нывка. Катя радейтө уджавны. Мам-бать да нывка бура лөсялөны и отсасьөны өта-мөдныслы.

Школаса велөдчысьяс Катякөд лөка сёрнитісны, нимтысисны. Сійө вөлі өтнас коми, а пуксьөдісны велөдчыны рочьяскөд.



Серпасыс Колялөн,
7 «В» класс

Катя велөдчис эз бура, сы вöсна мый челядь öта-мөднысö омöля гөгөрвоисны.

Катялы кажитчö серпасасыны. Медъёна радейтö рисуйтны чериясö, налысь лабутнöй уялөмсö, зарни да эзысь сьом пöртмасьомсö. Кутшöм чери сöмын эз серпасавлы! Сир, мык, ком, ёдi, кельчи, ёкыш... Катялы весиг аслыс окота лоны чериөн да уявны ва пытшкын. Тэ вылö некод оз лөгав, тэнö некод оз вид, олан аслыд.

Муніс Катя öтчыд рытнас лыддысянінö корсьны небөг, көні эськö гижöма, кыдзи веськавны ва улö.

Зэв-зэв уна лыддысис, сэсся лэччис вадорö да аддзö: ю шöрын, из вылын, кодкö лэзь юра пукалö. Видзöдö Катя вылö да кинас öвтчö:

— Волы, волы, важөн тай көсьян миян дорö.

А Катяыд повтöм нывка! Локтіс из дорөдзыд и юалö васа олысьлысь:

— Мый колö вöчны, мед веськавны тіян дорö?

— Шу татшöм кывъяс:

Сун-сан,
быд пакöсьтысь видзчысян,
вөрö-ягö эг вош,
юö-мореö ог вöй.

Босьтöй, черияс, ас дорад!

Шуас нывка сідзи, кыдзи лэзь юраыд велөдіс, и друг дзольмас! Кияс пыддиыс — чери бордъяс, кок пыддиыс — бөж.

Юрсиыс лоас гөрдовлөз рёма, пеляс ракпань исергаяс, морёсыс вөсь рёма. Ачыс нимкодясьö:

— Ме чери!

Паныд локтасны васа мукөд олысь. Найö радлөны выль ловлы. Выль ёртъяссö вөлөм шуöны Марья, Öльö да Öньö. Марья радейтö ас дорас гөсьтьясöс примитны, пöжасьны, но зэв стрөг. Öльö — гажа морт, некор оз лэдз тэнö дзескөдны. Öньö — ён зон, век нин отсыштас нуны сьökыдтор, бура кыйсьö, вермас кыпöдны керка.

Васа олөм зэв гажа! То ыджыд чери вылын уялан, то быдсяма мичаторъяс аддзылан. Ваувса быдмөгъяс гөрд, кольквиж, лөз рёмаось, везъялөны, бöжнад ворсöны. Тані эм и повзьöдчысь. Сир вермас ньылыштны чери бöжаясöс либö ыстыны лөк висьöм. Но Катя тöдö нимкыв. «Сир пинь горшад», — шуас кө, сійöс некод оз вөрзьöд.

Колис сизим вой. Коркö Катялы дум вылас усисны бать-мамыс. Бөрдіс нывка, бөрдіс, кытчöдз эз лок мудер Юсь. Сійö юалис:

— Мый лоис тэкөд? Мыйысь бөрдан?

— Меным окота гортö, дона бать-мам дорö.

— Эн шогсьы, ме тэныд отсышта. Ва улын эм места, шусьö Сьöд йир. Сэтөн уна скөр чери, ёна кыйсьöны. И эм öдзöс. Сы водзын сулалö ачыс Ваусаыс да нөдö. Он кө төдмав, мый юасьö, он веськав гортад. Ме сета тэныд куим лун да куим вой.

Муніс нывка ваувса лыддьысянінö. Лыддьысис лун и вой. Колис öти лун. Мөдіс корсьны Сьöд йиртö. Öти чери, мөд чери усьласьöны нывка вылö. И со аддзис мича сера зарни öдзöс. Сы водзын сулалис Вауса багатыр. И кутіс сетаवны нөдкывъяс:

— Чукыль-мукуль, кытчö мунан? Шырөм бурысь, мый тэдмогыс?

— Тайö шор да видз.

— Тасьтіыс пыдöстөм, сунисыс гөрөдтөм.

- Юкмөс да ю.
- Тшаныс важ, вевтыс выль.
- Йи да ва.
- Вой и лун котөртө, а кытчө — ачыс оз төд.
- Ю.
- Пасьыс выль, а подулыс розя.
- Йи да юкмөс.
- Зурк-зэрк пырө, люс-ляс петө.
- Ва ведра.
- Эм борд, а оз лэбав, абу кок, но он су.
- Чери.
- Ваын и пуын өти нима.
- Сир.
- Кык чоя-вока төлын и гожөмын купайтчөны.
- Ведраяс.

И со Катя төдмаліс став сьөкыд нөдкывсө! Вауса кутіс водзө юасьны нывкалысь:

- Кытчө тэ көсьян веськавны?
- Ме көсья бөр аслам карө, мам-бать ордө.

Өдзөсыд воссис, и пырис Катя... гортас, а сэтөн аддзис мамсө да шуис:

- Менам сэтшөма гажөй бырөма!
- Миян тшөтш гажным бырис радейтана нылукысь. Эн некытчө сэсся мун, ми өд зэв ёна шогсим тэ вөсна. Ми батыд-көд тэнө гижөдім серпасасян кружокө.

Быд лун нывка кутіс серпасасьны кружокын, и уджъясыс пыр мичаджыкөсь и мичаджыкөсь лоины. Өтчыд локтас гортас, а почта кудйын гижөд куйлө: «Дона Екатерина, ми корам тэнө «Чужан вөр-ва» конкурс вылө».


Колис куим лун. Катя локтіс галереяö конкурслысь кыв-
көртөдсö кывзыны. И сәні висьталісны:

— Медся мича серпасыс Катялөн, сы вöсна мый сьölөмсö
пуктöма уджас. Аддзöма уна мича рöм, бура серпасалöма пуяссö,
дзоридзьяс. И сетам сылы стипендия уна-уна шайт и нейджыд
козин — нелямын вит рöма краска, Москваысь.

Локтіс нывка классö мөд лунас, и кутісны юасьны сылысь:

— Кыдзи велөдчыны мичаа серпасасьны? А позьö тэкөд ёр-
тасьны? Кыдзи аддзыны быдсяма рөмсö?

Став велөдчысьыс мөдіс лөсявны Катенькакөд. Да и мукөд
йöзыс тшöтш. Бöрынджык сылөн воссис галерея, и ме сэтөн вö-
лі, аддзылі нывкалысь мича серпасьяссö. Ёна и нимкодьяси!



Серпасыс Ванялөн,
8 «В» класс

Ширяев Владислав

Көрткерөс районса Ыджыдвидз сикт

Кыдзи ёжик чери кыйны ветліс

Öти мича лунö мөвпыштіс ёжик чери кый-
ны ветлыны вöрса ты дорö.

Чукөртіс ставсö, мый колö: вугыр шать,
таб да ведра. Вугырсö аслас емысь вöчис.
И котөртіс ты дорö. Воис, пуксис эжөр пиö,
шыбитіс шатинсö да кутіс виччысьны че-
рилысь видласьöм. Öтчыд чериыд видліс —
мыніс. Мөдысь видліс — мыніс. А коймö-

дысьсö, дырджык виччысис да, шедіс ёкыш. Мөвпаліс-мөвпаліс ёжик, лэдзны-ö черисö бөр ваö. Но и лэдзис, мед водзö олас да быдмас.

Та бöрын ёжик мөдөдчис пырмөсас. Рад лои, мый буртор вöчис да и уна чери аддзыліс.

Экрот Мария

Сыктывкар

Коді ёнджык — кодзувкот али слөн?

Олісны-вылісны кык ёрт — слөн да кодзувкот. Найö дыр нин ёртасисны, олісны матын öта-мөдсьыныс.

Öтчыд ёртъяс кутісны вензьыны, коді ёнджык.

— Ме зэв ён, верма лэптыны ыджыд пу, — ошйысьö слөн.

— А ме, — шуö кодзувкот, — верма лэптыны ув меысь кык пöv сьöкыдджыкöс.

— Сöмын öти ув! Да ме верма лэптыны дзонь сюрс татшöм ув!

— Эк, дона ёрт. Тэ сэтшöм ыджыд, а ме зэв ичöt. Меным тайö увйыс, кыз тэныд ыджыд пу. А ме верма кутны мышку вылын кызь вит кодзувкотöс, ме кодьöс жö. А тэ он вермы лэптыны весиг öти слөнöс!

Слөн ланьтіс да дыр мый йылысь кө мөвпаліс. Сэссия довкнитіс юрнас да корис ичöt ёртöс гуляйтны.

И та бöрын слөн некор нин эз серав кодзувкот вылын, а век дорйис сійöс.

Юшков Александр

Мылдін районса Еремей грезд

Чукчи да руч

Чукчи пукаліс пөрөдөм пу вылын. Локтіс сы дорө руч да юалис:

— Чукчи, вөралысь кө воас, мый тэ вөчан?

— Ме, руч, лэбзя вылө-вылө да пожөм пу ув вылө пукся.


— А ме сюрс да нөшта өти ног төда, кыдзи позьö...

Эз удит руч помавны висьталөмсö, понлөн увтыштөм кыліс. А сэсся мыччысисны вөралысь да пон. Чукчи өдйö лэбзис пожөм вылө, а руч чепөсйис пышйыны.

Но вөралысь удитіс сійöс лыйны.

А чукчисö лыйны эз артмы: вывті вылын сійö пукалө.

Босьтіс вөралысьыд ручтö да муніс гортас.



Серпасыс Ванялөн, 8 «В» класс

Юриндалысь

Водзкыв	4
Баева Мирослава, <i>Инта районса Косьювом сикт.</i> Аддзылісны Кӧдзыд Пӧльӧс.....	6
Батманова Дарина, <i>Инта районса Косьювом сикт.</i> Вильвося лоӧмторъяс	7
Вахнин Дмитрий, <i>Сыктывкар.</i> Куим юра лӧбач — кутш	8
Егорова София, <i>Сыктывкар.</i> Кань да пон	10
Жикин Дмитрий, <i>Кулӧмдін районса Кулӧмдін сикт.</i> Корсь уджтӧ ас сертиыд	10
Забоева Анна, <i>Сыктывкар.</i> Кыдзи петук тайкӧ шыдӧ эз веськав	12
Зюзева Алина, <i>Кӧрткерӧс районса Пӧддельнӧй сикт.</i> Пемыд вӧр.....	14
Ивашева Светлана, <i>Кӧрткерӧс районса Ыджыдвидз сикт.</i> Сашкалӧн ӧрт	15
Игушева Мария, <i>Сыктывкар.</i> Вӧрсакӧд аддзысьлӧм	17
Канев Арсений, <i>Усинск кар кытшса Щеллябӧж сикт.</i> Додь да дадь	19
Канева Ольга, <i>Усинск районса Сем Ӗндрей сикт.</i> Мырпом	20
Карманова Анастасия, <i>Сыктывкар.</i> Нывка да бобув.....	22
Ковальчук Роман, <i>Емдін районса Айкатыла сикт.</i> Индюк да петукпи.....	22
Козлова Александра, <i>Емдін районса Айкатыла сикт.</i> Повзӧдлана вӧт	24
Коростелёв Максим, <i>Сыктывкар.</i> Мыйла кӧчлы кузь пель?	24
Кочанова Валентина, <i>Кулӧмдін районса Улыс Воч сикт</i> Бур сьӧлӧмӧн ставыс ловзӧ	25
Куликова Карина, <i>Луздор районса Абъячой сикт.</i> Вильгортса иностранеч	26
Кутькин Илья, <i>Сыктыв районса Межадор сикт.</i> Вошлӧм гӧлӧс.....	29
Кутькина Тамара, <i>Сыктыв районса Межадор сикт.</i> Шемӧсмӧдана коз.....	30
Ладанова Екатерина, <i>Кулӧмдін районса Кулӧмдін сикт.</i> Кык мӧска мужик	31
Ладанова Екатерина, <i>Кулӧмдін районса Кулӧмдін сикт.</i> Вӧрса.....	35
Лапшина Евгения, <i>Сыктывкар.</i> Мыйла ӧж сутшкасьысь?	35
Лихачёв Егор, <i>Сыктывкар.</i> Мыйла помидор гӧрд?.....	36
Лушков Ренат, <i>Сыктыв районса Поӧл сикт.</i> Лымка да Лымпилӧн ӧртасьӧм	37
Лымина Василина, <i>Усинск кар кытшса Щеллябӧж сикт.</i> Ичӧт Мой	38
Макарова Анастасия, <i>Кӧрткерӧс районса Ыджыдвидз сикт</i> Соня да зарни сус пу коль.....	39
Малярчик Артём, <i>Емдін районса Айкатыла сикт.</i> Вежавидзана кыв.....	41

Манюхин Глеб, Емдін районса Айкатыла сикт	
Кыдзи Мефодей олыся отсаліс каньлы	42
Мацконите Мария, Луздор районса Абъячой сикт. Сандра.....	43
Машукова Милена, Луздор районса Абъячой сикт. Варгӧс Мишук	46
Микушева Софья, Кӧрткерӧс районса Шойнаты сикт	
Вӧрлӧн шемӧсмӧданторъяс	48
Морохина Диана, Сыктывдін районса Вьльгорт сикт. Вӧрса да Пывсян Айка...	49
Напалков Дмитрий, Кулӧмдін районса Джеджим грезд. Чукчи да дозмӧр	52
Напалков Святослав, Усинск кар кытшса Щеллябӧж сикт	
Поводдя йылысь мойд	53
Немчинов Генрих, Изьва районса Кыдзкар сикт. Вужляувса олысь	57
Ненина Алина, Емдін районса Айкатыла сикт. Кык Нюмпас йылысь мойд	58
Нестерова Анна, Сыктывкар. Бумеранг	59
Палева Александра, Удора районса Важгорт сикт. Мырпома эрд	60
Паршукова Дарина, Кулӧмдін районса Мыс сикт. Кӧч да шыр	61
Рубцова Юлия, Сыктывкар. Мича молодец.....	62
Савина Евгения, Луздор районса Абъячой сикт. Наян руч.....	64
Севостьянова Майя, Емдін районса Айкатыла сикт. Мывкыдтӧм лягушапи.....	66
Станкевич Дмитрий, Сыктывкар. Миша ошлӧн муслун	67
Тарабукин Александр, Сыктывкар. Вӧрын	69
Терентьев Дмитрий, Усинск районса Сем Ӗндрей сикт. Шонді-мам	70
Терентьева Софья, Луздор районса Абъячой сикт. Дона гоб.....	71
Торлопова София, Сыктывкар. Мыйла каньяс оз радейтны лӧбачьясӧс?	73
Филиппова Оксана, Изьва районса Изьвавом грезд. Туйбокса пожӧм	73
Хабарова Мария, Сыктывкар. Серпасасьысь Катя йылысь мойд.....	75
Ширяев Владислав, Кӧрткерӧс районса Ыджыдвидз сикт	
Кыдзи ёжик чери кыйны ветліс	79
Экрот Мария, Сыктывкар. Коді ёнджык — кодзувкот али слӧн?	80
Юшков Александр, Мылдін районса Еремей грезд. Чукчи да руч	81

Издано при финансовой поддержке
Общества М. А. Кастрена (Финляндия)

Л и т е р а т у р н о - х у д о ж е с т в е н н о е и з д а н и е

Для младшего и среднего школьного возраста

МОЯ СКАЗКА

Альманах детского литературного творчества

На коми языке

Составитель **А. Н. Нестерова** – заведующий отделом библиотеки
отдела краеведения и коми литературы ГБУ РК «Национальная детская
библиотека Республики Коми им. С. Я. Маршака»

В оформлении книги использованы рисунки учащихся
Специальной (коррекционной) школы-интерната № 4 (г. Сыктывкар),
педагог – **В. Г. Осташова**

Редактор А. А. Старцева. Корректор В. И. Трошева
Технический редактор, компьютерная верстка – С. И. Оверин
Оформление обложки М. Ф. Беллон

Подписано в печать 08.12.2020. Формат 72×90¹/₁₂. Бумага офсетная
Гарнитура «Komi SchoolBook». Печать офсетная. Усл.-печ.л. 8,2. Уч.-изд. л. 4,8
Тираж 200 экз. Заказ № 20-8757


ООО «Анбур». 167000, г. Сыктывкар, ул. Бабушкина, 31

Отпечатано с готового оригинал-макета в полном соответствии с качеством
предоставленных материалов в ООО «Коми республиканская типография»

167982, г. Сыктывкар, ул. В. Савина, 81. Тел. (8212) 28-46-71

e-mail: knigikomi@komitip.ru

ISBN 978-5-91669-306-5



9 785916 693065 >